

萬 有 文 庫

第 二 集 七 百 種

王 雲 五 主 編

西 漢 會 要

(三)

徐 天 麟 撰

商 務 印 書 館 發 行

西漢會要

(三)

徐天麟撰

國學基本叢書

西漢會要卷二十七

宋徐天麟撰

運歷上

五運正朔服附

自齊威宣時騶子之徒論著終始五德之運。如濟曰今其書有五德終始五德各以所勝為行秦謂周為火德滅火者水故自謂水德師古曰騶子即騶衍及秦帝而齊人奏之故始皇采用之。郊祀志

秦兼天下頗推五勝而自以為獲水德乃以十月為正色尚黑漢興方綱紀大基庶事草創襲秦正朔以

北平侯張蒼言用顛項歷然正朔服色未覩其真云云。律歷志

高祖立為沛公旗幟皆赤由所殺蛇白帝子所殺者赤帝子故也。本紀

漢承堯運德祚已盛斷蛇著符旗幟上赤協於火德自然之應得天統矣。高帝贊

漢興高祖曰北時待我而起亦自以為獲水德之瑞雖明習歷及張蒼等咸以為然是時天下初定方綱

紀大基高后女主皆未遑故襲秦正朔服色。歷書

文帝時賈誼以爲漢興二十餘年宜當改正朔易服色制度。迺草具儀其儀法。色上黃。數用五。帝謙讓未遑也。本傳

文帝十六年魯人公孫臣上書曰。始秦得水德。及漢受之。推終始傳。則漢當土德。土德之應。黃龍見。宜改正朔服色上黃。張蒼以爲漢迺水德之時。河決金隄。其符也。年始冬十月。色外黑內赤。與德相應。公孫臣言非是。罷之。明年黃龍見成紀。文帝召公孫臣拜爲博士。與諸生申明土德。草改歷服色事。新垣平玉杯詐覺。是後文帝怠於改正服鬼神之事。郊祀志

武帝卽位。天下艾安。縉紳之屬。皆望天子封禪改正度也。趙綰王臧議草改歷服色事未就。竇太后不好儒術。使人按綰臧。綰臧自殺。郊祀志

元封七年。司馬遷等言歷紀壞廢。宜改正朔。是時御史大夫兒寬明經術。上迺詔寬曰。今宜何以爲正朔服色。何上寬與博士賜等議。皆曰。帝王必改正朔易服色。所以明受命於天也。創業變改制。不相復。推傳序文。則今夏時也。於是迺詔以七年爲元年。律歷志

太初元年夏五月。正歷以正月爲歲首。色上黃。數用五。張晏曰。漢據土德。土數五。故用五。定官名。協音律。本紀

班固曰。漢興之初。庶事草創。唯一叔孫生略定朝廷之儀。若迺正朔服色郊望之事。數世猶未章焉。至於孝文。始以夏郊。而張蒼據水德。公孫臣賈誼更以爲土德。卒不能明。孝武之世。文章爲盛。太初改制。而兒

寬司馬遷等猶從臣誼之言。服色數度。遂順黃德。彼以爲五德之傳。從所不勝。秦在水德。故漢據土而克之。劉向父子以爲帝出於震。故包羲氏始受木德。其後以母傳子。終而復始。自神農皇帝。下歷唐虞三代。而漢得火焉。故高祖始起。神母夜號。著赤帝之符。旗章遂亦自得天統矣。昔其工氏以水德開於木火。與秦同運。非其次序。故皆不永。由是言之。祖宗之制。蓋有自然之應。順時宜矣。郊祀志贊

歷

漢興。方綱紀大基。庶事草創。襲秦正朔。以北平侯張蒼言。用顓頊歷。比於六歷。疏闊中最爲微近。然正朔服色。未覩其真。而朔晦月見。弦望滿虧。多非是。至武帝元封七年。漢興百二歲矣。太中大夫公孫卿壺遂。太史令司馬遷等。言歷紀壞廢。宜改正朔。是時御史大夫兒寬明經術。上酒詔寬曰。與博士共議。今宜何以爲正朔。服色何上。寬與博士賜等議。皆曰。帝王必改正朔。易服色。所以明受命於天也。創業變改。制不相復。推傳序文。則今夏時也。臣等問學褊陋。不能明。陛下躬聖發憤。昭配天地。臣愚以爲三統之制。後聖復前聖者。二代在前也。今二代之統。絕而不序矣。唯陛下發聖德。宣考天地四時之極。則順陰陽以定大明之制。爲萬世則。於是酒詔御史曰。酒者有司言。歷未定。廣延宣問。以考星度。未能讎也。蓋聞古者黃帝合而不死。名察發斂。定清濁。起五部。建氣物分數。然則上矣。書缺樂弛。朕甚難之。依違以惟。未能修明。其以七年爲元年。遂詔卿遂遷與侍郎尊大典星射姓等。議造漢歷。酒定東西。立晷儀。下漏刻。以追二十八

宿相距於四方舉終以定朔晦分至躔離弦望。迺以前歷上元泰初四千六百一十七歲。至於元封七年。復得闕逢攝提格之歲。中冬十一月甲子朔旦冬至。日月在建星。太歲在子巳。得太初本星度新正。姓等奏不能爲算。願募治歷者。更造密度。各自增減。以造漢太初歷。迺選治歷鄧平。及長樂司馬可。酒泉候宜。君侍郎尊。及與民間治歷者凡二十餘人。方士唐都。巴郡落下閎。與焉。都分天部。而閎連算轉歷。其法以律起歷。曰律容一龠。積八十一寸。則一日之分也。與長相終。律長九寸百七十一分。而終復。三復而得甲子。夫律陰陽九六。爻象所從出也。故黃鍾紀元氣之謂律。律法也。莫不取法焉。與鄧平所治同。於是皆觀新星度日月行。更以算推如閎平法。法一月之日二十九日八十一分日之四十三。先藉半日。名曰陽歷。不藉名曰陰歷。所謂陽歷者先朔月生。陰歷者朔而後月迺生。平曰陽歷朔皆先旦月生。以朝諸侯。王羣臣便。迺詔遷用鄧平所造八十一分律歷。罷廢尤疏遠者十七家。復使校律歷昏明宦者。溘于陵渠。復覆太初歷。晦朔弦望皆最密。日月如合璧。五星如連珠。陵渠奏狀。遂用鄧平歷。以平爲太史丞。後二十七年元鳳三年。太史令張壽王上書言歷者天地之大紀。上帝所爲傳。黃帝調律歷。漢元年以來用之。今陰陽不調。乃更歷之過也。詔下主歷使者。鮮于妄人詰問。壽王不服。妄人請與治歷大司農中丞麻光等二十餘人。雜候日月晦朔弦望八節二十四氣。鈞校諸歷用狀。奏可。詔與丞相御史大將軍右將軍史各一人。雜候上林清臺。課諸歷疏密。凡十一家。以元鳳三年十一月朔旦冬至。盡五年十二月。各有第。壽王課疏。

遠案漢元年不用黃帝調歷。壽王非漢歷逆天道，非所宜言，大不敬。有詔勿劾。復候盡六年太初歷第一，卽墨徐萬日長安徐禹治太初歷亦第一。壽王及待詔李信治黃帝調歷課皆疏闊。又言黃帝至元鳳三年六千餘歲，丞相屬寶長安單安國安陵栢育治終始，言黃帝以來三千六百二十九歲，不與壽王合。壽王又移帝王錄舜禹年歲不合人年。壽王言化益爲天子，代禹驪山女亦爲天子，在殷周間皆不合經術。壽王歷迺太史官殷歷也。壽王猥曰安得五家歷，又妄言太初歷虧四分日之三，去小餘七百五分，以故陰陽不調，謂之亂世。劾壽王吏八百石，古之大夫服儒衣，誦不祥之辭，作妖言，欲亂制度，不道，奏可。壽王候課比三年下終不服，再劾死，更赦勿劾，遂不更言。誹謗益甚，竟以下吏。故歷本之驗在於天，自漢歷初起，盡元鳳六年三十六歲，而是非堅定。至孝成世，劉向總六歷列是非，作五紀論，向子歆究其微眇，作三統歷及譜，以說春秋，推法密要，故述焉。律歷志

漢興高祖曰：北時待我而起，亦自以爲獲水德之瑞。雖明習歷及張蒼等，咸以爲然。是時天下初定，方綱紀大基，高后女主皆未遑，故襲秦正朔服色。至孝文時，魯人公孫臣以終始五德上書，言漢得土德，宜更元，改正朔，易服色，常有瑞，瑞黃龍見，事下丞相張蒼，張蒼亦學律歷，以爲非是，罷之。其後黃龍見成紀，張蒼自黜，所欲論著不成，而新垣平以望氣見，頗言正歷服色事貴幸，後作亂，故孝文皇帝廢不復問。今上卽位，招致方士，唐都分天部。漢書音義曰：謂分二十八宿爲躔度。而巴落下閔運算轉歷，然後日辰之度與夏正同，乃改

元更官號封泰山。因詔御史曰：乃者有司言星度之未定也。廣延宣問，以理星度，未能讎也。蓋聞昔者黃帝合而不死，名察發斂，定清濁，起五部，建氣物分數。應劭曰：言黃帝造歷，得仙名節會，察寒暑致啓閉分。皆敘歷之意也。孟康曰：合作也。黃帝作歷，歷終復始，無窮已。故曰不死。清濁律聲之清濁也。五部五行也。天有四時，分爲五行也。氣二十四氣，物萬物也。分歷數之分也。禮曰：黃帝聖德與虛合契，升龍登仙於天。故曰合而不死。題名宿度候察。進退謂三辰之度，吉凶之驗也。然蓋尙矣。書缺樂弛，朕甚閔焉。朕唯未能循明也。紬績日分，率應水德之勝。徐廣曰：蓋以爲。應十德土勝水。今日順夏至，黃鐘爲宮，林鐘爲徵，太簇爲商，南呂爲羽。姑洗爲角，自是以後，氣復正。羽

聲復清，名復正變。以至於子日當冬至，則陰陽離合之道行焉。十一月甲子朔旦冬至，已詹其更。以七年爲太初元年，年名焉。逢攝提格。徐廣曰：歲陰在寅左。行歲星在丑右行。月名畢聚，日得甲子夜半朔旦冬至。歷書。

漢興，北平侯張蒼首律歷事。孝武帝時，樂官考正。至元始中，王莽秉政，欲燿名譽，徵天下通知鐘律者百餘人，使羲和劉歆等典領條奏，言之最詳。故刪其僞辭，取正義著於篇。律歷志。

漢高祖皇帝著紀伐秦繼周，木生火，故爲火德。天下號曰漢。距上元年十四萬三千二十五歲。歲在大棗。之東井二十二度，鶉首之六度也。故漢志曰：歲在大棗，名曰敦牂。太歲在午。八年十一月乙巳朔旦冬至。楚元三年也。故殷歷以爲丙午，距元朔七十六歲。著紀高帝卽位十二年。

惠帝著紀卽位七年。
高后著紀卽位八年。

文帝前十六年後七年著紀卽位二十三年。

景帝前七年中六年後三年著紀卽位十六年。

武帝建元元光元朔各六年元朔六年十一月甲申朔旦冬至。殷歷以爲乙酉。距初元七十六歲。元狩元鼎元封各六年。漢歷太初元年。距上元十四萬三千一百二十七歲前十一月甲子朔旦冬至。歲在星紀。婺女六度。故漢志曰。歲名困敦。正月歲星出婺女。太初天漢太始征和各四年。後二年著紀卽位五十四年。

昭帝始元元鳳各六年元平一年著紀卽位十三年。

宣帝本始地節元康神爵五鳳甘露各四年黃龍一年著紀卽位二十五年。

元帝元初二年十一月癸亥朔旦冬至。殷歷以爲甲子。以爲紀首。是歲也。十月日食。非合辰之會。不得爲紀首。距建武七十六歲。初元永光建昭各五年。竟寧一年著紀卽位十六年。成帝建始河平陽朔鴻嘉永始元延各四年。綏和二年著紀卽位二十六年。

哀帝建平四年元壽二年著紀卽位六年。

平帝著紀卽位。元始五年。以宣帝元孫嬰爲嗣。謂之孺子。孺子著紀。新都侯王莽居攝三年。王莽居攝。盜襲帝位。竊號曰新室。始建國五年。天鳳六年。地皇三年。著紀盜位十四年。更始帝著紀。以漢宗室滅王莽。

卽位二年赤眉賊立宗室劉盆子滅更始帝自漢元年訖更始二年凡二百三十歲並律歷志

改元

文帝十六年新垣平言上曰闕下有寶玉氣來者已視之果有獻玉杯者刻曰人主延壽平又言臣候日

再中居頃之日卻復中於是始更以十七年爲元年郊祀志

武帝建元元年木紀師古曰自古帝王未有年號始起於此劉攽曰封禪書云其後二年有司言元宜以天瑞命不宜以一二數推所謂其後三年者蓋盡元狩六年至元鼎三年也然元鼎四年

方得寶鼎又無緣先三年而稱之以此而言自元鼎以前之元皆有司所追命其實年號之起在元鼎耳故元封改元則始有詔書矣

有司言元宜以天瑞不宜以一二數一元曰建二元以長星曰光今郊得一角獸曰狩云郊祀志

元封元年詔曰朕以眇身承至尊兢兢焉唯德菲薄不明於禮樂故用事八神遭天地況施著見景象屑

然如有聞震於怪物欲止不敢遂登封泰山至於梁父然後升禮肅然自新嘉與士大夫更始其以十月

爲元封元年武紀

元封七年漢興百二歲矣太中大夫公孫卿壺遂太史令司馬遷等言歷紀壞廢宜改正朔是時御史大

夫兒寬明經術上迺詔寬曰與博士共議今宜何以爲正朔服色何上寬與博士賜等議皆曰帝王必改

正朔易服色所以明受命於天也創業變改制不相復推傳序文則今夏時也臣等問學褊陋不能明陛

下躬聖發憤昭配天地臣愚以爲三統之制後聖復前聖者二代在前也今二代之統絕而不序矣唯陛

下發聖德。宣考天地四時之極。則順陰陽。以定大明之制。爲萬世則。於是迺詔御史曰。迺者有司。言歷未定。廣延宣問。以考星度。未能讎也。蓋古者黃帝合而不死。名察發斂。定清濁。起五部。建氣物分數。然則上矣。書缺樂弛。朕甚難之。依違以惟。未能修明。其以七年爲元年。律歷志

宣帝神爵元年。詔曰。朕承宗廟。戰戰栗栗。惟萬事統未燭厥理。迺元康四年。嘉穀元稷降於郡國。神爵仍集金芝九莖。產於涵德殿銅池中。九真獻奇獸。南郡獲白虎。威鳳爲寶。朕之不明。震於珍物。飭躬齊精。祈爲百姓。東濟大河。天氣清靜。神魚舞河。幸萬歲宮。神爵翔集。朕之不德。懼不能任。其以五年爲神爵元年。元帝竟寧元年春正月。匈奴虔韓邪單于來朝。詔曰。匈奴郅支單于。背叛禮義。既伏其辜。虔韓邪單于不。忘恩德。鄉慕禮義。復修朝賀之禮。願保塞傳之無窮。邊垂長無兵革之事。其改元爲竟寧。成帝河平元年春三月。詔曰。河決東郡。流漂二州。校尉王延世隄塞輒平。其改元爲河平。河平四年。火生石中。改元爲陽朔。

哀帝建平二年。待詔夏賀良等。言赤精子之讖。漢家歷運中衰。當再受命。宜改元易號。詔曰。漢興二百載。歷數開元。皇天降非材之佑。漢國再獲受命之符。朕之不德。曷敢不通。夫基事之元命。必與天下自新。其大赦天下。以建平二年爲太初元年。號曰陳聖。劉太平皇帝。漏刻以百二十爲度。八月。詔曰。待詔夏賀良等。建言改元易號。增益漏刻。可以永安國家。朕過聽賀良等言。冀爲海內獲福。卒亡嘉應。皆違經背古。不

合時宜。六月甲子制書非赦令也。皆蠲除之。賀良等反道惑衆。下有司。皆伏辜。以上並本紀。

西漢會要卷二十八

宋徐天麟撰

運歷下

天文

漢元年十月五星聚東井。

三年秋太白出西方有光畿中乍北乍南過期迺入辰星出四孟。

七月月暈圍參畢七重。

十二年春熒惑守心。

孝惠二年天開東北廣十餘丈長二十餘丈。

孝文後二年正月壬寅天機夕出西南其四月乙巳水木火三合於東井八月天狗下梁墜其十一月戊

戌土水合於危其七月火東行行畢陽環畢東北出而西逆行至昴卽南迺東行。

孝景元年正月癸酉金水合於婺女其七月乙丑金木水三合於張其二年七月丙子火與水晨出東方

因守斗。其十二月。水火合於斗。是歲彗星出西南。七月。天狗下。三年。填星在婁。幾入還居奎。

四年七月癸未。火入東井行陰。又以九月己未。入輿鬼。戊寅出。

中元年。填星當在觜。去居東井。其三年正月丁亥。金木合爲觜。其三月丁酉。彗星夜見西北。色白。長丈。在觜。去益小。十五日不見。其五月甲午。金木俱在東井。戊戌。金去木留守之。二十日。其六月壬戌。蓬星見西南。在房南。去房可二丈。大如二斗器。色白。癸亥在心東北。可長丈所。甲子在尾北。可六丈。丁卯在箕北。近漢稍小。且去。時大如桃。壬申去。凡十日。中三年十一月庚午夕。金火合於虛。相去一寸。四年四月丙申。金木合於東井。其五年四月乙巳。水火合於參。

後元年五月壬午。火金合於輿鬼之東北。不至。柳出輿鬼北。可五寸。

孝武建元三年三月。有星孛於注張。歷太微。干紫宮。至於天漢。

三年四月。有星孛於天紀。至織女。

六年。熒惑守輿鬼。

元光元年六月。客星見於房。

元光中。天星盡搖。

元鼎五年。太白入於天苑。

元鼎中。熒惑守南斗。

元封中。星孛於河戌。

太初中。星孛於招搖。

孝昭始元中。蓬星出西方。天市東門。行過河鼓。入營室中。後太白出西方。下行一舍。復上行二舍。而下去。後太白出東方。入咸池。東下入東井。後太白入太微。西藩第一星。北出東藩第一星。北東下去。後太白入昴。後熒惑出東方。守太白。後流星下燕。萬載宮極東去。

元鳳四年九月。客星在紫宮中。斗樞極間。五年四月。燭星見奎婁間。

元平元年正月庚子。日出時。有黑雲狀如炎風。亂鬢。轉出西北。東南行。轉而西。有頃亡。二月甲申晨。有大星如月。有衆星隨而西行。乙酉。祥雲如狗。赤色長尾。三枚夾漢西行。

三月丙戌。流星出翼軫東北。干太微。入紫宮。始出小。旦入大。有光。入有頃。聲如雷。三鳴止。

孝宣本始元年四月壬戌。甲夜。辰星與參出西方。其二年七月辛亥夕。辰星與翼出。皆爲蚤。其後熒惑守房之鈞鈴。四年七月甲辰。辰星在翼。月犯之。是日。熒惑入輿鬼天質。

地節元年正月戊午。乙夜。月食熒惑。熒惑在角亢。其辛酉。熒惑入氐中。其六月戊戌。甲夜。客星又居左右。

角間東南指長可二尺色白其丙寅又有客星見貫索東北南行至七月癸酉夜入天市芒炎東南指其色白。

黃龍元年三月客星居王梁東北可九尺長丈餘西指出閣道間至紫宮。

元帝初元元年四月客星大如瓜色青白在南斗第二星東可四尺。

二年五月客星見昴分居卷舌東可五尺青白色炎長三寸。

五年四月彗星出西北赤黃色長八尺所後數日長丈餘東北指在參分。

孝成建始元年九月戊子有流星出文昌色白光燭地長可四丈大一圍動搖如龍虵行有頃長可五六丈大四圍所詘折委曲貫紫宮西在斗西北子亥間後詘如環北方不合留一刻所。

四年七月熒惑險歲星居其東北半寸所如連李時歲星在關星西四尺所熒惑初從畢口大星東東北住數日至往疾去遲。

四年十一月乙卯月食填星不見時在輿鬼西北八九尺所。

河平二年十月下旬填星在東井軒轅南端大星尺餘歲星在其西北尺所熒惑在其西北二尺所皆從西方來填星貫輿鬼先到歲星次熒惑亦貫輿鬼十一月上旬歲星熒惑西去填星皆西北逆行。

陽朔元年七月壬子月犯心星。

四年閏月庚午。飛星大如缶。出西南。入斗下。

永始二年二月癸未。夜東方有赤色。大三四圍。長二三丈。索索如樹。南方有大四五圍。下行十餘丈。皆不
至地滅。

元延元年四月丁酉。日舖時。天腥晏。殷殷如雷聲。有流星頭大如缶。長十餘丈。皎然赤白色。從日下。東南
去。四面或大如盂。或如雞子。燿燿如雨下。至昏止。

綏和元年正月辛未。有流星從東南入北斗。長數十丈。二刻所息。
二年春。熒惑守心。

哀帝建平元年正月丁未。日出時。有著天白氣。廣如一匹布。長十餘丈。西南行。謹如雷。一刻而止。名曰天
狗。十二月。白氣出西南。從地上。至天出。參下貫天廁。廣如一匹布。長十餘丈。十餘日。

二年二月。彗星出牽牛七十餘日。

元壽元年十一月。歲星入太微逆行。于右執法。並天文志

權量

張蒼定章程。高紀如瀉曰。章。歷數之章術也。程者。權衡丈尺斗斛之平法也。

一曰備數。二曰和聲。三曰審度。四曰嘉量。五曰權衡。數者一十百千萬也。所以算數事物。順性命之理也。

夫推歷生律制器。規圓矩方。權重衡平。準繩嘉量。探蹟索隱。鉤深致遠。莫不用焉。度長短者不失毫釐。量多少者不失圭撮。權輕重者不失黍稬。其法在算術。職在太史。羲和掌之。

聲者。宮商角徵羽也。職在太樂。太常掌之。

度者。分寸尺丈引也。所以度長短也。本起黃鐘之長。以子穀秬黍中者一黍之廣度之。九十分黃鐘之長一爲一分。十分爲寸。十寸爲尺。十尺爲丈。十丈爲引。而五度審矣。其法用銅高一寸。廣二寸。長一丈。而分寸尺丈存焉。用竹爲引。高一尺。廣六分。長十丈。其方法矩。高廣之數。陰陽之象也。分者自三。微而成著。可分別也。寸者付也。尺者夔也。丈者張也。引者信也。夫度者別於分。付於寸。夔於尺。張於丈。信於引。引者信天下也。職在內官。廷尉掌之。

量者。侖合升斗斛也。所以量多少也。本起於黃鐘之侖。用度數審於容。以子穀秬黍中者千有二百實其侖。以井水準其槩。合侖爲合。十合爲升。十升爲斗。十斗爲斛。而五量嘉矣。其法用銅方尺。而圓其外。旁有廐焉。其上爲斛。其下爲斗。左耳爲升。右耳爲合。侖。其狀似爵。以廐爵祿。上三下二。參天兩地。圓而函。方。左一右二。陰陽之象也。其圓象規。其重二鈞。備氣物之數。合萬有一千五百二十。聲中黃鐘。始於黃鐘。而反覆焉。君制器之象也。侖者。黃鐘律之實也。躍微動氣。而生物也。合者。合侖之量也。升者。登合之量也。斗者。聚升之量也。斛者。角斗平多少之量也。夫量者躍於侖。合於合。登於升。聚於斗。角於斛。職在太倉。大司農

掌之。

衡權者。衡平也。權重也。衡所以任權。而均物。平輕重也。其道如底。以見準之正。繩之直。左旋見規。右折見矩。其在天也。佐助旋璣。斟酌建指。以齊七政。故曰玉衡。論語云。立則見其參於前也。在車則見其倚於衡也。又曰齊之以禮。此衡在前居南方之義也。權者銖兩斤鈞石也。所以稱物平施。知輕重也。本起於黃鐘之重。一龠容千二百黍。重十二銖。兩之爲兩。二十四銖爲兩。十六兩爲斤。三十斤爲鈞。四鈞爲石。付爲十八易。十有八變之象也。五權之制。以義立之。以物鈞之。其餘小大之差。以輕重爲宜。圓而環之。令之肉倍好者。周旋無端。終而復始。無窮已也。銖者物繇忽微始。至於成著。可殊異也。兩者兩黃鐘律之重也。二十四銖而成兩者。二十四氣之象也。斤者明也。三百八十四銖。易二篇之爻。陰陽變動之象也。十六兩成斤者。四時乘四方之象也。鈞者均也。陽施其氣。陰化其物。皆得其成就平均也。權與物均重萬一千五百二十銖。當萬物之象也。四百八十兩者。六旬行八節之象也。三十斤成鈞者。一月之象也。石者大也。權之大者也。始於銖。兩於兩。明於斤。均於鈞。終於石。物終石大也。四鈞爲石者。四時之象也。重百二十斤者。十二月之象也。終於十二辰而復於子。黃鍾之象也。千九百二十兩者。陰陽之數也。三百八十四爻。五行之象也。四萬六千八十銖者。萬一千五百二十物。歷四時之象也。而歲功成就。五權謹矣。權與物鈞而生衡。衡運生規。規圍生矩。矩方生繩。繩直生準。準正則平衡而鈞權矣。是爲五則。規者所以規圍器械。令得其類。

也。矩者所以矩方器械，令不失其形也。規矩相須，陰陽位序，圓方乃成。準者所以揆平取正也。繩者上下端直，經緯四通也。準繩連體，衡權合德，百工繇焉，以定法式。

凡律度量衡用銅者，名自名也。所以同天下齊風俗也。銅爲物之至精，不爲燥濕寒暑變其節，不爲風雨暴露改其形，介然有常，有似於士君子之行。是以用銅也。用竹爲引者，事之宜也。並律歷志

時令

文帝元年詔曰：方春和時，草木羣生之物，皆有以自樂，而吾百姓鰥寡孤獨窮困之人，或阡於死亡而莫之省憂，爲民父母將如何？其議所以振貸之。本紀

宣帝時，魏相表采易陰陽及月令明堂奏之。臣聞易曰：天地順以動，故日月不過，四時不忒。聖王以順動，故刑罰清而民服。天地變化，必繇陰陽。陰陽之分，以日爲紀。日冬夏至，則八風之序立。萬物之性成，各有常職，不得相干。東方之神太昊，乘震執規，司春。南方之神炎帝，乘離執衡，司夏。西方之神少昊，乘兌執矩，司秋。北方之神顓頊，乘坎執權，司冬。中央之神黃帝，乘坤艮執繩，司土。茲五帝所司，各有時也。東方之卦，不可以治西方。南方之卦，不可以治北方。春興兌治則饑，秋興震治則華，冬興離治則泄，夏興坎治則雹。明王謹於尊天，慎於養人，故立羲和之官，以乘四時節，授民事。君動靜以道，奉順陰陽，則日月光明，風雨時節，寒暑調和。三者得敘，則災害不生，五穀熟，絲麻遂，山木茂，鳥獸蕃，民不夭疾，衣食有餘。若是則君尊

民說上下亡怨。政教不違，禮讓可興。夫風雨不時，則傷農桑。農桑傷，則民飢寒。飢寒在身，則亡廉恥。寇賊
姦宄所繇生也。臣愚以爲陰陽者，王事之本。羣生之命，自古賢聖未有不繇者也。天子之義，必純取法天
地，而觀於先聖。高帝所述書，天子所服第八曰：大謁者。臣章受詔，長樂宮曰：令羣臣議天子所服，以安治
天下。相國、臣何、御史大夫、臣昌、謹與將軍、臣陵、太子太傅、臣通等議：春夏秋冬，天子所服，當法天地之數，
中得人和，故自天子王侯有土之君，下及兆民，能法天地，順四時，以治國家，身亡甌殃，年壽永究，是奉宗
廟，安天下之大禮也。臣請法之中謁者趙堯舉春，李舜舉夏，兒湯舉秋，貢禹舉冬，四人各職一時。大謁者
襄章奏制曰：可。孝文皇帝時，以二月施恩惠於天下，賜孝弟力田，及罷軍卒祠死事者，頗非時節。御史大
夫量錯時爲太子家令，言其狀。臣相伏念陛下恩澤甚厚，然而災氣未息，竊恐詔令有未合當時者也。願
陛下選明經，通知陰陽者四人，各主一時。時至，明言所職，以和陰陽，天下幸甚。魏相傳

元康三年六月，詔三輔毋得以春夏摘巢探卵，彈射飛鳥，具爲令。水紀

立春，行冤獄使者出。張敞傳

元帝初元三年，詔百官勉之，毋犯四時之禁。水紀

永光三年十一月，詔曰：迺者己丑地動，中冬雨水大霧，盜賊並起。吏何不以時禁，各悉意對。本紀師古曰：時禁謂月令所當禁斷者也。

甘延壽陳湯上疏斬郅支首及名王以下。宜縣頓羹街。事下有司。丞相匡衡。御史大夫繁延壽。以爲月令春掩骼埋胔之時。宜勿縣車騎將軍許嘉。右將軍王商。以爲夾谷以會。優施笑君。孔子誅之。方盛夏。首足異門而出。宜縣十日。乃埋之。有詔將軍議是。陳湯傳

建昭五年。詔曰。方春農桑興。百姓勦力自盡之時也。故是月勞農勸民。無使後時。今不良之吏。覆案小罪。徵召證案。輿不急之事。以妨百姓。使失一時之作。亡終歲之功。公卿其明察申救之。本紀

成帝陽朔二年春寒。詔曰。昔在帝堯。立羲和之官。命以四時之事。令不失其序。故書云。黎民於蕃時雍。明以陰陽爲本也。今公卿大夫。或不信陰陽。薄而小之。所奏請多違時政。傳以不知周行天下。而欲望陰陽和調。豈不謬哉。其務順四時月令。本紀

鴻嘉元年二月。詔曰。方春生長時。臨遣諫大夫理等。舉三輔三河宏農。冤獄。本紀

哀帝卽位。李尋對曰。星辰主四時。四時失序。則辰星作異。今出於歲首之孟。天所以遣告陛下也。加以號令不順。四時問者。春三月治大獄時。賊陰立逆。恐歲小收。季夏舉兵法時。寒氣應。恐後有霜雹之災。秋月行封爵。其月土濕。輿恐後有雷雹之變。古之王者。尊天地。重陰陽。敬四時。嚴月令。今朝廷忽於時月之令。諸侍中尙書近臣。宜皆令通知月令之意。設羣下請事。若陛下出令有謬於時者。當知爭之以順時。本傳

梁王立殺人。遣廷尉大鴻臚雜問。對曰。冬月迫促。貪生長死。卽詐僮仆。陽病微幸。得踰於須臾。師古曰。冀得踰冬月。

而減罪也。謹以實對。時冬月盡。其春大放不治。本傳

孫寶以春月作詆欺。免為庶人。本傳

王溫舒為河內太守。捕郡中豪猾。大者至族。小者乃死。會春。溫舒頓足嘆曰。令冬月益展一月。足吾事矣。

本傳。師古曰。立春之後。不復用刑。故云然。

張敞收繫彘繫獄。是時冬月未盡數日。晝夜驗治。竟致其死。敞使告彘曰。五日京兆竟何如。冬月已盡。延

命乎。張敞傳

劉向坐鑄偽黃金得踰冬減死論。本傳。服虔曰。踰冬至春。行寬大而減死罪。

諸葛豐以春夏繫治人。在位多言其短。上乃制詔御史。豐前為司隸。不順四時。專作苛暴。其免為庶人。本傳

孫寶以納秋日。署侯文東部督郵。入見。敕曰。今日鷹集。始擊。當順天氣。取姦惡。以成嚴霜之誅。本傳

冬月始請讞。于定國傳

冬月傳屬縣囚會論府上。嚴延年傳

平當為丞相。以冬月賜爵關內侯。本傳。李奇曰。以冬月非封侯時。故且先賜爵關內侯。

孔光等請謁者召王嘉詣廷尉詔獄。永信少府猛等十人。以為今春月寒氣錯繆。霜露數降。宜示天下以

寬和。王嘉傳

西漢會要卷二十九

宋徐天麟撰

祥異上

符瑞

高祖被酒夜徑澤中令一人行前行前者還報曰前有大蛇當徑願還高祖醉曰壯士行何畏乃前拔劍斬蛇蛇分爲兩道開行數里醉因臥後人來至蛇所有一老嫗夜哭人問嫗何哭嫗曰人殺吾子人曰嫗子何爲見殺嫗曰吾子白帝子也化爲蛇當道今者赤帝子斬之故哭人乃以嫗爲不誠欲苦之嫗因忽不見本紀

秦始皇帝嘗曰東南有天子氣於是東遊以馱當之高祖隱於芒碭山澤間呂后與人俱求常得之高祖怪問之呂后曰季所居上常有雲氣故從往常得季本紀

漢元年冬十月五星聚於東井本紀應劭曰東井秦之分野五星所在其下當有聖人以義取天下

文帝十五年黃龍見於成紀本紀

武帝元狩元年。行幸雍。祠五畤。獲白麟。作白麟之歌。

三年夏。馬生余吾水中。南越獻馴象能言鳥。

元鼎元年。得鼎汾水上。

四年。得寶鼎后土祠旁。秋。馬生渥洼水中。作寶鼎天馬之歌。

元封二年。甘泉宮內中產芝九莖連葉。作芝房之歌。

太始二年。詔曰。往者朕郊見上帝。西登隴首。獲白麟。以饋宗廟。渥洼水出天馬。泰山見黃金。宜改故名。今更黃金爲麟趾。褻蹠以協瑞焉。因以頒賜諸侯王。

三年。行幸東海。獲赤雁。作朱雁之歌。

昭帝始元元年二月。黃鵠下建章宮太液池中。公卿上壽。

三年。鳳凰集東海。遣使者祠其處。

宣帝本始元年。鳳凰集膠東千乘。

四年。鳳凰集北海安邱瀆于。

地節二年四月。鳳凰集魯郡羣鳥從之。

元康元年。詔曰。乃者鳳凰集泰山。陳留甘露降未央宮。朕未能章先帝休烈。協寧百姓。承天順地。調序四

時獲蒙嘉瑞。賜茲祉福。夙夜兢兢。靡有驕色。內省匪解。永惟罔極。書不云乎。鳳凰來儀。庶尹允諧。其赦天下。徒賜勤事吏中二千石以下。至六百石爵。自中郎吏至五大夫佐史以上。二級。民一級。女子百戶牛酒。加賜鰥寡孤獨三老孝弟力田帛。所振貸勿收。

三年春。以神爵數集泰山。賜諸侯王丞相將軍列侯二千石金。郎從官帛。各有差。賜天下吏爵二級。民一級。女子百戶牛酒。鰥寡孤獨高年帛。

六月詔曰。前年夏神爵集雍。今春五色鳥以萬數。飛過屬縣。翱翔而舞。欲集未下。其令三輔毋得以春夏摘巢探卵。彈射飛鳥。具爲令。

四年三月詔曰。乃者神爵五采。以萬數集長樂未央北宮高寢甘泉泰畤殿中。及上林苑。朕之不逮。寡於德厚。屢獲嘉祥。非朕之任。其賜天下吏爵二級。民一級。女子百戶牛酒。加賜三老孝弟力田帛。人二匹。鰥寡孤獨各一匹。

神爵元年詔曰。朕承宗廟。戰戰栗栗。惟萬事統未燭厥理。乃元康四年。嘉穀元稷降於郡國。神爵仍集。金芝九莖。產於涵德殿銅池中。九真獻奇獸。南郡獲白虎。威鳳爲寶。朕之不明。震於珍物。飭躬齋精。祈爲百姓。東濟大河。天氣清靜。神魚舞河。幸萬歲宮。神爵翔集。朕之不德。懼不能任。其以五年爲神爵元年。賜天下勤事吏爵二級。民一級。女子百戶牛酒。鰥寡孤獨高年帛。所振貸物勿收。行所過毋出田租。

二年二月詔曰。迺者正月乙丑。鳳凰甘露降集京師。羣鳥從以萬數。朕之不德。屢獲天福。祇事不怠。其赦天下。四年二月詔曰。乃者鳳凰甘露降集京師。嘉瑞並見。修興太一五帝后土之祠。祈爲百姓蒙祉。福鸞鳳萬舉。蜚覽翺翔。集止於旁。齋戒之暮。神光顯著。薦鬯之夕。神光交錯。或降於天。或登於地。或從四方來集於壇。上帝嘉嚮。海內承福。其赦天下。賜民爵一級。女子百戶牛酒。鰥寡孤獨高年帛。冬十月。鳳凰十一集杜陵。十二月。鳳凰集上林。

五鳳三年。詔曰。朕飭躬齋戒。郊上帝祠后土。神光並見。或興於谷。燭耀齋宮。十有餘刻。甘露降。神爵集。已詔有司。告祠上帝宗廟。三月辛丑。鸞鳳又集長樂宮東闕中樹上。飛下止地。文章五色。留十餘刻。吏民並觀。朕之不敏。懼不能任。屢蒙嘉瑞。獲茲祉福。書不云乎。雖休勿休。祇事不怠。公卿大夫。其勗焉。減天下口錢。赦殊死以下。賜民爵一級。女子百戶牛酒。大酺五日。加賜鰥寡孤獨高年帛。

甘露元年。黃龍見新豐。

二年。詔曰。乃者鳳凰甘露降集。黃龍登興。醴泉滂流。枯槁榮茂。神光並見。咸受禎祥。其赦天下。減民算三十。賜諸侯王丞相將軍列侯中二千石金錢各有差。賜民爵一級。女子百戶牛酒。鰥寡孤獨高年帛。三年。詔曰。乃者鳳凰集新蔡。羣鳥四面行列。皆鄉鳳凰立以萬數。其賜汝南太守帛百匹。新蔡長吏三老孝弟力田。鰥寡孤獨各有差。賜民爵二級。毋出今年租。

成帝鴻嘉元年冬黃龍見真定。

元延四年甘露降京師賜長安民牛酒。

平帝元始元年越裳氏重譯獻白雉一黑雉二。

二年春黃支國獻犀牛。並本紀。

日食

高帝三年十月甲戌晦日有食之在斗二十度。

十一月癸卯晦日有食之在虛三度。

九年六月乙未晦日有食之既在張十三度。

惠帝七年正月辛丑朔日有食之在危十三度。

五月丁卯先晦一日日有食之幾盡在七星。

高后二年六月丙戌晦日有食之。

七年正月己丑晦日有食之既在營室九度。

文年二年十一月癸卯晦日有食之在婺女一度。

三年十月丁酉晦日有食之在斗二十三度。

十一月丁卯晦。日有食之。在虛八度。

後四年四月丙辰晦。日有食之。在東井十三度。

七年正月辛未朔。日有食之。

景帝三年二月壬午晦。日有食之。在胃二度。

七年十一月庚寅晦。日有食之。在虛九度。

中元年十二月甲寅晦。日有食之。

二年九月甲戌晦。日有食之。

三年九月戊戌晦。日有食之。幾盡。在尾九度。

六年七月辛亥晦。日有食之。在軫七度。

後元年七月乙巳。先晦一日。日有食之。在翼十七度。

武帝建元二年二月丙戌朔。日有食之。在奎十四度。

三年九月丙子晦。日有食之。在尾二度。

五年正月己巳朔。日有食之。

元光元年二月丙辰晦。日有食之。

七月癸未先晦一日日有食之在翼八度

元朔二年二月乙巳晦日有食之在胃三度

六年十一月癸丑晦日有食之

元狩元年五月乙巳晦日有食之在柳六度

元鼎五年四月丁丑晦日有食之在東井二十三度

元封四年六月己酉朔日有食之

太始元年正月乙巳晦日有食之

四年十月甲寅晦日有食之在斗十九度

征和四年八月辛酉晦日有食之不盡如鉤在亢二度

昭帝始元三年十一月壬辰朔日有食之在斗九度

元鳳元年七月己亥晦日有食之幾盡在張十二度

宣帝地節元年十二月癸亥晦日有食之在營室十五度

五鳳元年十二月乙酉朔日有食之在婺女十度

四年四月辛丑朔日有食之在畢十九度

元帝永光二年三月壬戌朔日有食之在婁八度。

四年六月戊寅晦日有食之在張七度。

建昭五年六月壬申晦日有食之不盡如鉤因入。

成帝建始三年十二月戊申朔日有食之在婺女九度。

河平元年四月己亥晦日有食之不盡如鉤在東井六度。

三年八月乙卯晦日有食之在房。

四年三月癸丑朔日有食之在昴。

陽朔元年二月丁未晦日有食之在胃。

永始元年九月丁巳晦日有食之。

二年二月乙酉晦日有食之。

三年正月己卯晦日有食之。

四年七月辛未晦日有食之。

元延元年正月己亥朔日有食之。

哀帝元壽元年正月辛丑朔日有食之不盡如鉤在營室十度。

二年三月壬辰晦。日有食之。

平帝元始元年五月丁丑朔。日有食之。在東井。

二年九月戊申晦。日有食之。既。

凡漢著紀十二世。二百一十二年。日食五十三。朔十四。晦三十六。先晦一日三。並五行志

日月變異

武帝建元二年四月戊申。有如日夜出。本紀

元帝永光元年四月。日色青白亡景。正中時有景亡光。是夏寒。至九月。日乃有光。

成帝建始元年八月戊午。晨漏未盡三刻。有兩月重見。

河平元年正月壬寅朔。日月俱在營室。時日出赤。二月癸未日朝赤。且入又赤。夜月赤。甲申。日出赤如血。

亡光。漏上四刻半。乃頗有光。燭地赤黃。食後乃復。三月乙未。日出黃有黑氣。大如錢。居日中央。並五行志

星孛。天文志所載已見天文類。五行志所載別見於此。

高帝三年七月。有星孛于大角。旬餘乃入。

文帝後七年九月。有星孛于西方。其本直尾箕末指虛危。長丈餘。及天漢。十六日不見。

武帝建元六年六月。有星孛于北方。

八月長星出于東方長終天三十日去是爲蚩尤旗見則王者征伐四方

元狩四年四月長星又出西北

元封元年五月有星孛于東井又孛于三台

宣帝地節元年正月有星孛于西方去太白二丈所

成帝建始元年正月有星孛于營室青白色長六七丈廣尺餘

元延元年七月辛未有星孛于東井踐五諸侯出河戌北率行軒轅太微後日六度有餘晨出東方十三日夕見西方犯次妃長秋斗填蠡炎再貫紫宮中大火當後達天河除于妃后之域南逝度犯大角攝提至天市而按節徐行炎入市中旬而後西去五十六日與蒼龍俱伏並五行志

星隕

成帝永始二年二月癸未夜過中星隕如雨長一二丈繹繹未至地滅至雞鳴止五行志

亡冰

武帝元狩六年冬亡冰

昭帝始元二年冬亡冰並五行志紀作六年

雪

文帝四年六月大雨雪。

景帝中六年三月雨雪。

武帝元狩元年十二月大雨雪。民多凍死。

元鼎二年三月雪。平地厚五尺。

三年三月水冰。四月雨雪。

元帝建昭二年十一月齊楚地大雪。深五尺。

四年三月雨雪。燕多死。並五行志

成帝建始四年夏四月雨雪。本紀

陽朔四年四月雨雪。燕雀死。五行志

霜雹

武帝元光四年四月隕霜。殺草木。

元封三年十二月雷雨雹。大如馬頭。

宣帝地節四年五月山陽濟陰雷雨雹如雞子。深二尺五寸。殺二十人。蜚鳥皆死。

元帝永光元年三月隕霜。殺桑。九月二日隕霜。殺稼。

成帝河平二年四月。楚國雨雹。大如斧。蜚鳥死。並五行志

總天變

惠帝二年。天雨血於宜陽。一頃所。五行志赤貴

武帝建元四年。有風赤如血。本紀

元光五年七月。大風拔木。本紀

天漢元年三月。天雨白毛。三月八月。天雨白鼈。毛之彊屈曲者

成帝建始元年四月辛丑。夜西北有如火光。壬寅晨。大風從西北起。雲氣赤黃。四塞天下。終日夜下著地

者。黃土塵也。本五行志

十二月。大風拔甘泉時中大木十章以上。成紀草與園同

哀帝建平四年。山陽湖陵雨血。廣三尺。長五尺。大者如錢。小者如麻子。五行志

平帝元始四年冬。大風吹長安城門東。屋瓦且盡。本紀

西漢會要卷三十

宋徐天麟撰

祥異下

地震

惠帝二年正月地震隴西。厭四百餘家。厭一甲反。下同。

高后二年正月武都山崩地震。至八月迺止。

武帝征和二年八月癸亥地震。厭殺人。

宣帝本始四年四月壬寅地震。河南以東四十九郡。北海瑯琊。壞祖宗廟城郭。殺六千餘人。

元帝永光三年冬地震。並五行志。

成帝建始三年十二月戊申。其夜未央殿中地震。本紀。

河平三年二月。隄爲地震。積二十一日。百二十四動。

綏和二年九月丙辰地震。自京師至北邊郡國三十餘。壞城郭。凡殺四百一十五人。並五行志。

山崩

高后二年正月武都山崩殺七百六十人。

文帝元年四月齊楚地山二十九所同日俱大發水潰出並五行志

成帝建始三年越巂山崩紀本

河平三年二月丙戌犍爲柏江山崩捐江山崩皆靡江水江水逆流壞城殺十三人。

元延三年正月丙寅蜀郡岷山崩靡江江水逆流三日並五行志

石鳴

成帝鴻嘉三年乙亥大水冀南山石鳴聲隆隆如雷有頃止聞平襄二百四十里墜雞皆鳴石長丈三尺。

廣厚略等旁著岸脅去地二百餘丈民俗名曰石鼓石鼓鳴有兵五行志

石立

孝昭元鳳三年正月泰山萊蕪山南匈匈有數千人聲民視之有大石自立高丈五尺大四十八圍入地

深八尺爲足石立處有白鳥數千集其旁五行志

隕石

惠帝三年隕石綿諸壹。

武帝征和四年二月丁酉隕石雍二天晏亡雲聲聞四百里。

元帝建昭元年正月戊辰隕石梁國六。

成帝建始四年正月癸卯隕石橐四肥累一。

陽朔三年二月壬戌隕石白馬八。

鴻嘉二年五月癸未隕石杜衍三。

元延四年三月隕石都關三。

哀帝建平元年正月丁未隕石北地十其九月甲辰隕石虞二。

平帝元始二年六月隕石鉅鹿二。

自惠盡平隕石凡十一皆有光耀雷聲成哀尤屢。並五行志。

火災鐵飛附

高后元年五月丙申趙叢臺災。

惠帝四年十月乙亥未央宮凌室災丙子織室災。

文帝七年六月癸酉未央宮東闕罽毼災。

景帝中五年八月己酉未央宮東闕災。

武帝建元六年六月丁酉遼東高廟災。四月壬子高園使殿火。
太初元年十一月乙酉未央宮柏梁臺災。

昭帝元鳳元年燕城南門災。

四年五月丁丑孝文廟正殿災。

宣帝甘露元年四月丙申中山太上皇廟災。甲辰孝文廟災。

元帝初元三年四月乙未孝武園白鶴館災。

永光四年六月甲戌孝宣杜陵園東闕南方災。

成帝建始元年正月乙丑皇考廟災。

鴻嘉三年八月乙卯孝景廟北闕災。

永始元年正月癸丑大官凌室災。戊午戾后園南闕災。

四年四月癸未長樂宮臨華殿及未央宮東司馬門災。

六月甲午孝文霸陵園東闕南方災。

哀帝建平三年正月癸卯桂宮鴻寧殿災。

平帝元始五年七月己亥高皇帝原廟殿門災盡。

武帝征和二年春。涿郡鐵官鑄鐵。鐵銷皆飛上去。
成帝河平二年正月。沛郡鐵官鑄鐵。鐵不下。隆隆如雷聲。又如鼓音。工十三人驚走。音止。還視地。地陷數尺。鑪分爲十一。鑪中銷鐵散如流星皆上去。並五行志。

旱

惠帝五年夏。大旱。江河水少。谿谷絕。

文帝三年秋。天下旱。

後六年春。天下大旱。

景帝中三年秋。大旱。

武帝元光六年夏。大旱。

元朔五年春。大旱。

元狩三年夏。大旱。

天漢元年夏。大旱。

三年夏。大旱。

征和元年夏。大旱。

昭帝始元六年大旱。

宣帝本始三年夏大旱。東西數千里。

神爵元年秋大旱。

成帝永始三年四年夏大旱。並五行志。

蝗螟

景帝中三年秋蝗。

武帝元光五年秋螟。

六年夏蝗。

元鼎五年秋蝗。

元封六年秋蝗。

太初元年夏蝗。從東方飛至敦煌。

三年秋復蝗。

征和三年秋蝗。

四年夏蝗。

平帝元始二年秋蝗徧天下。並五行志

人妖

哀帝建平中豫章有男子化爲女子嫁爲人婦生一子。

建平四年四月山陽方與女子田無嗇生子先未生二月兒嚔腹中及生不舉葬之陌上三日人過聞嚔聲母掘收養。

平帝元始元年二月朔方廣牧女子趙春病死斂棺積六日出在棺外自言見夫死父曰年二十七不當死六月長安女子有生兒兩頭異頸面相鄉四臂共胸俱前鄉尻上有目長二寸所。

景帝二年九月膠東下密人年七十餘生角角有毛。

成帝建始三年十月丁未京師相驚言大水至渭水虜上小女陳持弓年九歲走入橫城門入未央宮尙方掖門殿門門衛戶者莫見至旬盾禁中而覺得。

綏和二年八月庚申鄭通里男子王褒衣絳衣小冠帶劍入北司馬門殿東門上前殿入非常室中解帷組結佩之招前殿署長業等曰天帝令我居此業等收縛考問褒故公車大誰卒病狂易不自知入宮狀下獄死。

哀帝建平四年正月民驚走持橐或擻一枚傳相付與曰行詔籌道中相過逢多至千數或被髮徒踐或

夜折關。或踰牆入。或乘車騎奔馳。以置驛傳。行經歷郡國二十六。至京師。其夏。京師郡國民聚會里巷阡陌。設祭張博具歌舞。祠西王母。又傳書曰。母告百姓。佩此書者不死。不信我言。視門樞下。當有白髮。至秋止。並五行志

鳥獸之妖魚蛙附

宣帝黃龍元年。未央殿輅轅中。雌雞化為雄。毛衣變化而不鳴。不將無距。雞禍

元帝初元中。丞相府史家。雌雞伏子。漸化為雄。冠距鳴將。

永光中有獻雄雞生角者。

景帝三年十一月。有白頸烏與黑烏羣鬪。楚國呂縣。白頸不勝。墮泗水中。死者數千。白黑祥

昭帝元鳳元年。有烏與鵠鬪。燕王宮中池上。烏墮池死。黑祥

昭帝時。有鵜鷗。或曰禿鶯。集昌邑王殿下。王使人射殺之。青祥

成帝河平元年二月庚子。泰山山桑谷有葢。焚其巢。巢難盡墮池中。有三葢。燬燒死。黑祥

鴻嘉二年三月。博士行大射禮。有飛雉集于庭。歷階登堂而鳴。後雉又集太常宗正丞相御史大夫大司

馬車騎將軍之府。又集未央宮承明殿屋上。

綏和二年三月。天水平襄。有燕生爵哺食。至大俱飛去。

景帝中六年梁孝王田北山有獻牛足上出背上

昭帝元鳳元年燕王宮永巷中豕出園壞都竈銜其脯六七枚置殿前

昭帝元鳳元年九月燕有黃鼠銜其尾舞王宮端門中王往視之鼠舞如故王使吏以酒脯祠鼠舞不休

一日一夜死黃祥

成帝建始四年九月長安城南有鼠銜黃蒿柏葉止民冢柏及榆樹上爲巢桐柏尤多巢中無子皆有乾鼠矢數十

昭帝時昌邑王賀聞人聲曰熊視而見大熊左右莫見

高后八年三月祓霸王還過枳道見物如倉狗轍高后掖忽而不見犬禍

文帝後五年齊雍城門外有狗生角

景帝三年二月邯鄲狗與彘交

成帝河平元年長安男子石良劉音相與同居有如人狀在其室中擊之爲狗走出去後有數人被甲持

兵弩至良家良等格擊或死或傷皆狗也自二月至六月乃止鴻嘉中狗與彘交

成帝綏和二年二月大廐馬生角在左耳前圍長各二寸

哀帝建平二年定襄牡馬生駒三足隨羣飲食

惠帝二年正月癸酉旦有兩龍見於蘭陵廷東里溫陵井中至乙亥夜去

武帝元鼎五年蛙與蝦蟆羣鬪

太始四年七月趙有蛇從郭外入與邑中蛇鬪孝文廟下邑中蛇死蛇鬪

成帝鴻嘉四年秋雨魚于信都長五寸以下

永始元年春北海出大魚長六丈高一丈四枚

哀成建平三年東萊平度出大魚長八丈高丈一尺七枚皆死並五行志

草木之妖

惠帝五年十月桃李華棗實五行志

文帝六年冬十月桃李華本紀

昭帝時上林苑中大柳斷仆地一朝起立生枝葉有蟲食其葉成文字曰公孫病已立又昌邑王國社有

枯樹復生枝葉眭孟以爲當有故廢之家公孫氏從民間受命爲天子者

元帝初元四年皇后曾祖父濟南東平陵王伯慕門梓柱卒生枝葉上出屋

建昭五年兗州刺史浩賞禁民私所自立社山陽棗茅鄉社有大槐樹吏伐斷之其夜樹復立其故處並五行志

志行

成帝建始四年秋。桃李實。本紀。

永始元年二月。河南街郵樗樹生支如人頭。眉目鬚皆具。亡髮耳。

哀帝建平三年十月。汝南西平遂陽鄉柱仆地。生支如人形。身青黃色。面白。頭有髭髮稍長大。凡長六寸一分。

建平三年。零陵有樹僵地。圍丈六尺。長十丈七尺。民斷其本。長九尺餘皆枯。三日。樹卒自立故處。

元帝永光二年。天雨草。而葉相膠結。大如彈丸。

平帝元始三年正月。天雨草。狀如永光時。並五行志。

雜變異

景帝三年十二月。吳二城門自傾。大船自覆。

宣帝時。大司馬霍禹所居第門自壞。

成帝元延元年正月。長安章城門門牡自亡。函谷關次門牡亦自亡。

哀帝時。大司馬董賢第門自壞。

哀帝建平二年四月乙亥朔。御史大夫朱博爲丞相少府。趙元爲御史大夫。臨延登受策。有大聲如鐘鳴。

殿中郎吏陞者皆聞焉。並五行志。

元壽元年九月。孝元廟殿門銅龜蛇鋪首鳴。本紀

平帝元始元年二月乙未。義陵寢神衣在柳中。丙申旦。衣在外牀上。寢令以急變聞。用太牢祠。本紀

占驗

漢興承秦滅學之後。景武之世。董仲舒治公羊春秋。始推陰陽。為儒者宗。宣元之後。劉向治穀梁春秋。數其禍福。傳以洪範。與仲舒錯。至向子歆。治左氏傳。其春秋意亦已乖矣。言五行傳又頗不同。是以摭仲舒別向歆。傳載眭孟夏侯勝京房谷永李尋之徒所陳行事。訖于王莽。舉十二世。以傳春秋著于篇。文具五行志此

不詳載

漢興推陰陽災異者。孝武時有董仲舒。夏侯始昌。昭宣則眭孟。夏侯勝。元成則京房。翼奉。劉向。谷永。哀平則李尋。田終術。此其納說時君著明者也。察其所言。彷彿一端。假經設誼。依託象類。或不免乎。億則屢中。仲舒下吏。夏侯囚執。眭孟誅戮。李尋流放。此學者之大戒。京房區區。不量淺深。危言刺譏。構怨弭臣。罪辜不旋踵。亦不密以失身。悲夫。李尋贊

金度玉衡。漢五星客流出入八篇。藝文志下同

漢五星彗客行事占驗八卷

漢日旁氣行事占驗三卷

漢流星行事占驗八卷。

漢日旁氣行占驗十三卷。

漢日食月暈雜變行事占驗十三卷。

西漢會要卷三十一

宋徐天麟撰

職官一

上公四輔師友附

太師徐天麟按沈約宋書云漢制保傅在三公上號曰上公

太師古官平帝元始元年初置位在太傅上百官表下同

太傅

太傅古官高后元年初置金印紫綬後省八年復置後省哀帝元壽二年復置位在三公上

太保

太保古官平帝元始元年初置位次太傅

四輔

平帝元始元年授四輔之職王莽傳張晏曰莽爲太傅孔光爲太師王舜爲太保甄豐爲少傅是爲四輔

師友

成帝時張禹以特進為天子師本傳

平帝即位年幼選置師友大司徒孔光以明經高行為孔氏師京兆尹金欽以家世忠孝為金氏友金日磾傳

三公

丞相

相國丞相皆秦官金印紫綬掌承天子助理萬機秦有左右高帝即位置一丞相十一年更名相國綠綬按表下卷九年蕭何已遷相國此云十一年當考孝惠高后置左右丞相文帝二年復置一丞相有兩長史秩千石哀帝元壽二年更名大司徒武帝元狩五年初置司直秩比二千石掌佐丞相舉不法百官表上徐天麟按司馬遷將不載姑俟詳考

丞相徵事功臣表任宮以故丞相徵事手捕反者漢儀注徵事比六百石

丞相史尹咸孫禁漢舊儀注秩四百石見溝洫志

丞相少史王山壽王禁漢儀注武帝秩四百石

東曹掾彭延年父為東曹掾

西曹掾蕭田為丞相西曹掾丙吉傳西曹主吏

集曹掾匡衡補陸賜葉曹掾

奏曹匡衡傳主簿陸賜故居奏曹陸

議曹李尋見翟方進傳

主簿匡衡傳主簿陸賜

大車屬鄭崇為丞相大車屬

丞相屬地理志朱贛

侍曹陳遵傳

從史匡衡遺從史之僮取田租

掾史掾方進傳丞相宣帝戒掾史諸事徐天麟按掾史者屬官之總稱也漢儀注東四曹掾比四百石餘掾比三百石屬比二百石正曰掾副曰屬方進傳又云闔府三百餘人

宰士翟方進傳師古曰謂丞相掾史為宰士者言其宰相之屬官而位為士臣

計相張蒼為計相一月更以列侯為主計四歲蕭何為相令蒼以列侯居相府領郡國上計者

太尉

太尉秦官金印紫綬掌武事百官表爰盎傳云太尉本兵柄

高帝二年太尉長安侯盧縮五年罷太尉官十一年周勃為太尉攻伐後官省司馬遷將相表

惠帝六年置太尉官以後為太尉。本傳徐天麟按漢書及史記世家皆云六年而功臣表云高后四年為太尉。世家及兩表其文

自相抵牾今止從世家

孝文三年罷太尉官屬丞相。本紀

孝景三年置太尉官。司馬遷將相表及漢書周亞夫傳

七年罷太尉官。本紀

孝武建元元年置太尉。二年罷太尉官。史記將相表

元狩四年初置大司馬以冠將軍之號。師古曰冠者加於其上共為一官也

宣帝地節三年置大司馬不冠將軍亦無印綬官屬成帝綏和元年初賜大司馬金印紫綬置官屬祿比

丞相去將軍哀帝建平二年復去大司馬印綬官屬冠將軍如故元壽二年復賜大司馬印綬置官屬去

將軍位在司徒上有長史秩千石。並百官表

大司馬司直。平帝召金欽為大司馬司直漢舊儀云武帝元狩五年初置

大司馬史。溝洫志張戎

功曹。大將軍王鳳除蕭育功曹

西曹掾。樓護

大司馬掾平紀

議曹史大司馬史高辟匡衡為議曹史

門下史大司馬車騎將軍召揚雄以為門下史

主簿大司馬商除杜鄴主簿

御史大夫

御史大夫秦官位上卿茂陵書御史大夫秩中二千石銀印青綬掌副丞相有兩丞秩千石一曰中丞在殿中蘭臺掌圖

籍祕書外督部刺史內領侍御史員十五人受公卿奏事舉劾按章成帝綏和元年更名大司空金印紫

綬祿比丞相置長史如中丞官職如故哀帝建平二年復為御史大夫元壽二年復為大司空御史中丞

更名御史長史侍御史有繡衣直指服虔曰指事而行無阿私也出討姦猾治大獄武帝所制不常置百官

表

御史中執法高紀晉灼曰中執法中丞也

御史中丞從事于定國與御史中丞從事治反者獄

符璽御史周昌傳趙堯為符璽御史御史治書尚符璽者有印綬百官

治書御史見上

監軍御史胡建傳

御史大夫掾何並大司空掾殿延年為御史掾

西曹掾鮑宣無西曹掾

主簿御史大夫張忠命孫寶主簿曰西府高士俗不為主簿

少史蕭望之使少史冠法冠為妻先引蘇林曰曹史之下者

御史屬御史大夫除谷永補屬史匡衡補御史百石屬

柱下令高帝五年王恬啓為柱下令又張蒼為御史主柱下方書徐天麟按應劭漢官儀云侍御史即柱下史故附于此

九卿列卿附

正卿九劉熙釋云漢置十二卿一曰太常二曰太僕三曰衛尉四曰光祿勳五曰宗正六曰執金吾七曰大司農八曰少府九曰大鴻臚十曰廷尉十一曰大長秋十二曰將作大匠章昭

辨云漢正卿九一曰太常二曰光祿三曰衛尉四曰太僕五曰廷尉六曰鴻臚七曰宗正八曰司農九曰少府是為九卿執金吾本故中尉掌徵巡宮外司執姦邪至武帝更執金

吾為外卿不在九列天子卿具吾長秋自皇后官非天子卿具

太常博士

奉常秦官掌宗廟禮儀有丞景帝中六年更名太常師古曰太常王者旌旗也王有大事則建以行禮官主奉持之故曰奉常也後改曰太常尊大之義也

屬官有太樂太祝太宰太史太卜太醫六令丞又均官都水兩長丞又諸廟寢園食官令長丞又靡太宰

太祝令承如淳曰五時在廳故特置太宰以下諸官五時各一尉又博士及諸陵縣皆屬焉景帝中六年更名大祝為祠祀武帝太初元年更曰廟祀初置太卜元帝永光元年分諸陵邑屬三輔王莽改太常曰秩宗百官表

太常掾朱博

太常掌故鍾繇

太史掌故儒林傳房鳳

史書令史藝文志

待詔律歷志待詔李信治黃帝調歷

大典星律歷志上射姓等

治歷律歷志鄧平

望氣李廣傳望氣王朔

望氣佐郊祀志武帝遣望氣佐候蓬萊

高廟僕射王莽傳上哀章持金匱至高廟以付僕射

廟郎百官表江德坐廟郎夜失火免

寢郎馮參

園郎班禕又金敞傳云故事近臣皆隨寢為園郎

禮官大夫儒林傳徐生以頌為禮官大夫

曲臺署長孟喜

寫書官藝文志武帝置寫書之官當屬太史故附于此

博士

博士秦官掌通古今秩比六百石員多至數十人武帝建元五年初置五經博士宣帝黃龍元年稍增員

十二人百官表

楊何易 歐陽書

公羊春秋以上武帝立 施孟易

大小夏侯尚書 穀梁春秋

京氏易元帝立 左氏春秋

毛詩 逸禮以上平帝立

博士弟子五十人儒林傳武帝置

歌吹諸生儒林傳

后蒼禮

梁邱易

大小戴禮以上宣帝立

古文尚書

光祿勳大夫郎謁者期門羽林僕射

郎中令秦官掌宮殿掖門戶有丞武帝太初元年更名光祿勳應劭曰光者明也祿者爵也勳功也屬官有大夫郎謁者皆

秦官又期門羽林皆屬焉百官表

掾光祿勳于永舉王嘉為掾

主事張安世為光祿勳郎醉主事白行法

大夫

大夫掌論議有太中大夫中大夫諫大夫皆無員多至數十人武帝元狩五年初置諫大夫秩比八百石太初元年更名中大夫為光祿大夫秩比二千石太中大夫秩比千石如故百官表

博士光祿大夫夏侯勝

郎

郎掌守門戶出充軍騎有議郎中郎侍郎郎中皆無員多至千人議郎中郎秩比六百石侍郎比四百石郎中比三百石中郎有五官左右三將秩皆比二千石郎中有車戶騎三將秩皆比千石百官表如淳曰主衛曰戶郎漢儀注郎中令主郎中左右車將主左右車郎左右戶將主左右戶郎也

外郎惠紀外郎滿六歲賜爵二級蘇林曰外郎散郎也

郎署長馮唐為郎中署長師古曰為郎中而為郎署之長爰盜傳上幸上林郎署長布席引卻慎夫人坐

車郎藝文志車郎張豐如淳曰主車曰車郎

輦郎劉向

戶衛功臣表郭蒙

騎郎將王吸李廣師古曰為騎郎之將主騎郎

郎中騎千人功臣表斬獯

謁者

謁者掌賓讚受事員七十人秩比六百石有僕射秩比千石百官表

期門

期門服虔曰與期門下以微行後遂以名官掌執兵送從武帝建元三年初置比郎無員多至千人有僕射秩比千石平常

元始元年更名虎賁郎置中郎將秩比三千石百官表師古曰與與奔同言如猛獸之奔

給事期門功臣表董忠

羽林

羽林師古曰言其如羽之疾如林之多掌送從次期門武帝太初元年初置名曰建章營騎後更名羽林騎又取從軍死

事之子孫。養羽林官。教以五兵。號曰羽林孤兒。羽林有令丞。宣帝令中郎將騎都尉監羽林。秩比二千石。百官表

羽林黃頭郎鄧通

僕射

僕射秦官。自侍中尚書博士郎皆有。古者重武官。有主射以督課之。軍屯吏驍宰永巷宮人皆有。取其領事之號。百官表孟康曰皆有僕射隨所領之事以為號也。若軍屯吏則曰軍屯僕射永巷則曰永巷僕射。

衛尉

衛尉秦官。掌宮門衛屯兵。師古曰漢舊儀云衛尉寺在宮內胡廣云主宮闕內衛士於周垣不為區廬區廬若今之伏宿屋有丞景帝初更名中大夫令後元年復為衛尉屬官有公車司馬衛士旅賁三令丞師古曰漢官儀云公車司馬掌殿司馬門夜徹宮百石旅衆也賁與奔同言為奔走之任也衛十三丞又諸屯衛候司馬二十二宮皆屬焉長樂建章甘泉衛尉皆掌其宮職略同不常置百官表

未央衛尉李廣

長樂司馬律歷志長樂司馬可徐天麟按長樂宮四面皆有公車司馬門每門各二司馬此即八屯司馬之一也

衛司馬谷吉鄭吉

衛候馮奉世

長樂屯衛司馬馮遂

長樂戶將儒林傳尹更始

建章監衛青李陵

給事建章衛青

公車大誰卒五行志公車大誰卒注云大誰長令在司馬殿門衛士之帥也

執楯功臣表孔聚

執戟

武士以上並惠紀應劭曰高祖使武士縛韓信是也

騶惠紀師古曰本殿之馭者後又令為騶因為騶騎也東方朔給騶侏儒

太僕

太僕秦官掌輿馬有兩丞屬官有大廡未央家馬師古曰家馬者主供天子私用非大祀戎事軍國所須故謂之家馬也三令各五丞一尉

又車府路輪騎馬駿馬四令丞又龍馬閑駒橐泉駒駮丞華五監長丞又邊郡六牧師苑令師古曰漢官儀云牧師諸

苑三十六所分布北邊西邊分養馬三十萬匹各三丞又牧橐師古曰牧橐言牧養駝也昆蹏應劭曰昆蹏好馬名也蹏音蹄令丞皆屬焉中太僕掌皇太后

輿馬不常置也。武帝太初元年更名家馬爲桐馬。桐音徒孔反。應劭曰：主乳馬取其汁桐治之。味酢可飲。初置路軫。百官

駿馬監。傅介子

平樂監。傅介子

移中監。蘇武師古曰：移中廢名。如淳曰：移園之中馬廄。

家車吏。齊受師古曰：主漢王之家車。非軍國所用。見功臣表。

廄司御。夏侯嬰爲沛廄司御。

農官。食貨志：武帝水衡少府太僕大農各置農官。

廷尉

廷尉秦官。掌刑辟。有正左右監。秩皆千石。景帝中六年更名大理。武帝建元四年復爲廷尉。宣帝地節三年初置左右平。秩皆六百石。哀帝元壽二年復爲大理。王莽改曰作士。百官表：又宣紀地節三年初置廷尉平四人。

廷尉史。張湯傳：湯爲廷尉。請博士弟子治尚書春秋。補廷尉史。又路溫舒以奏曹掾守廷尉史。于定國以郡次曹補廷尉史。

奏曹掾。以溫舒署奏曹掾。路溫舒傳：廷尉光。

奏讞掾。廷尉湯以兒寬爲奏讞掾。

掾。廷尉湯以從史兒寬爲之。

從史師古曰只隨官僚不主文書

廷尉文學卒史以上並兒寬傳寬以掌故功次補卒史

書佐薛宣少為廷尉書佐

大鴻臚

典客秦官掌諸侯歸義蠻夷有丞景帝中六年更名大行令武帝太初元年更名大鴻臚應劭曰郊廟行禮讀九賓鴻臚

臚傳也屬官有行人譯官別火三令丞如淳曰漢儀注別火獄令官主治改火之事及郡邸長丞武帝太初元年更名行人為大

行令初置別火上莽改大鴻臚曰典樂初置郡國邸屬少府中屬中尉後屬大鴻臚百官表

主客金日磾傳成帝時金岑為主客服虔云主初客屬大鴻臚

大鴻臚文學平當治禮丞功次補文學

大行治禮王莽傳公賓就故大行治禮

大行治禮丞平當

大行卒史儒林傳

宗正

宗正秦官掌親屬有丞平帝元始四年更名宗伯屬官有都司空令丞如淳曰律司空主水及罪人賈詡曰輸之司空編之徒官內官

長丞師古曰律歷志主分寸尺丈也又諸公主家令門尉皆屬焉。王莽并其官於秩宗。初內官屬少府。中屬主爵。後屬宗正。百官表

主傳東方朔傳昭平君辭殺主傳

中府東方朔傳館陶公主中府師古曰中府掌金帛之藏

舍人周長孺師古曰舍人家人也主家事者也見藝文志

大司農

治粟內史。秦官。掌穀貨。有兩丞。景帝後元年更名大農令。武帝太初元年更名大司農。屬官有大倉均輸平準都內籍田五令丞。幹官如淳曰幹音筭或作幹幹主均輸之本所謂幹鹽鐵而權酒酤也。鐵市兩長丞。又郡國諸倉農監都水六十五官長丞皆屬焉。駿粟都尉。武帝軍官不常置。王莽改大司農曰羲和。後更爲納言。初幹官屬少府。中屬主爵。後屬大司農。百官表

大司農中丞管諸會計事。食貨志下桑宏羊

大司農部丞。食貨志桑宏羊請置大農部丞數十人分部主郡國平紀元始元年置大司農部丞十三人

大司農史。蕭望之傳李宮

大司農斗食屬。薛宣

治粟都尉食貨志桑宏羊為治粟都尉領大農盡幹天下鹽鐵

農官食貨志武帝水衡少府太農太僕各置農官

稻田使者昭紀元鳳元年假稻田使者燕倉

權酷官昭紀始元六年罷權酷官

少府九卿以上

少府秦官掌山海池澤之稅以給共養應劭曰名曰禁錢以給私養自別為藏師古曰大司農供軍國之用少府以養天子也有六丞屬官有尚書

符節太醫太官湯官導官師古曰太官主膳食湯導官主擇米樂府若盧如淳曰若盧主藏兵器考工室臣瓚曰主器左弋地名居室

甘泉居室左右司空東織西織東園匠師古曰東園匠主作陵內器物十六官令丞又胞人師古曰胞人主掌宰割者也胞與庖同都水均

官三長丞又上林中十池監又中書謁者黃門鉤盾師古曰鉤盾主近苑囿尚方師古曰尚方主作禁器物御府天子衣服也永巷內者

宦者八官令丞諸僕射署長中黃門皆屬焉武帝太初元年更名考工室為考工左弋為攸飛居室為保

宮甘泉居室為昆臺永巷為掖廷攸飛掌弋射有九丞兩尉大官七丞昆臺五丞樂府三丞掖廷八丞官

者七丞鉤盾五丞兩尉成帝建始四年更名中書謁者令為中謁者令初置尚書員五人有四丞河平元

年省東織更名西織為織室綏和二年哀帝省樂府王莽改少府曰共工百官表

蕭望之領尚書事建白以為尚書百官之本國家樞機宜以通明公正處之武帝游宴後庭故用宦

者非古制也。宜罷中書宦官。應古不近刑人。元帝不聽。本傳

成帝建始四年春，罷中書宦官。臣瓚曰：漢初中人有中謁者令，孝武加中謁者令，為中書謁者令，置

顯代為中書令，專權用。事至成帝乃罷其官。初置尚書員五人，師古曰：漢舊儀云：尚書四人為四曹，常侍尚書主，丞相御

書事，主客尚書主外國事，成帝置五人，有三公曹，主斷獄事，並見本紀。

尚書郎。史記侯者年表：王遷宋百官志云：西漢舊置四人。

尚書御史。藝文志

給事尚書。張安世為郎，用善書給事尚書。

尚符璽郎。霍光傳

太醫監。外戚傳

侍醫。藝文志：侍醫李柱國，校方書師。古曰：侍天子之醫。

太官獻食丞。陳湯

太官獻丞。張湯傳：張勃舉太官獻丞。陳湯蘇林曰：主貢獻物也。

食監。霍光傳：昌邑王詔太官趣具亡闕食監。

尚食。惠紀

尙席周亞夫傳漢儀注省中有五尙曰尙食尙冠尙衣尙席尙帳後遂省并尙食於大官湯官

樂府音監樂府音監景武孟康曰音監主樂人也

樂府游徼師古曰樂府之游徼名莽

令史以上並張湯傳

東織室令史宣帝紀張敎

中書僕射石顯

黃門倡藝文志車忠

倡監東方朔傳

馬監金日磾

黃門駙馬蘇武傳宜騎與黃門駙馬爭船師古曰天子駙馬之在黃門者也

狗監蜀人楊得意為狗監師古曰主天子田臘犬

給事狗監並李延年傳

鉤盾冗從藝文志李步昌

尙方待詔郊祀志下

掖庭獄丞。趙后傳。籍武。

掖庭牛官令。趙后傳。

掖庭戶衛。許后傳。

少內齋夫。丙吉傳。注云。掖庭主府藏之官。

暴室丞。一作薄室。師古曰。掖庭主織作尚夫官。屬見宣紀。

暴室齋夫。宣紀。許廣漢女。

農官。食貨志。武帝永衡少府皆置農官。

中謁者。高紀。封中謁者。張釋卿為列侯。如淳曰。灌嬰為中謁者。後常以閹人為之。諸官加中者。多閹人也。

中涓。曹參傳。令以中涓從。如淳曰。中涓如中謁者也。師古曰。涓。曹參傳。言其在內主知潔清灑掃之事。蓋親近左右也。

協律都尉。李延年。

海丞。平紀。元始元年。置師古曰。主海稅。

果丞。平紀。元始元年。置師古曰。掌諸果實。

探珠玉金銀之官。賈禹。

執金吾

中尉秦官。掌徼循京師。有兩丞。候司馬千人。武帝太初元年。更名執金吾。師古曰。金吾鳥名也。主辟不祥之象。天子出行。必先導以象。非常故。屬官有中壘。寺互。武庫。都船。四令丞。都船。武庫有三丞。中壘。兩尉。又式道。左右中候。候丞。及左右

京輔。都尉。尉丞。兵卒皆屬焉。初。寺互屬少府。中屬主爵。後屬中尉。自太常至執金吾。秩皆中二千石。丞皆千石。百官表。

備盜賊中尉。史記淮南王傳。備盜賊中尉臣福。

都船獄吏。薛宣。

將作大匠。

將作少府。秦官。掌治宮室。有兩丞。左右中候。景帝中六年。更名將作大匠。屬官有石庫。東園主章。左右前後中校。七令丞。又主章長丞。武帝太初元年。更名東園主章為木工。成帝陽朔三年。省中候及左右前後中校五丞。百官表。

典屬國。

典屬國。秦官。掌蠻夷降者。武帝元狩三年。昆邪王降。復增屬國。置都尉丞。候千人。屬官九譯令。成帝河平元年。省并大鴻臚。百官表。

武帝元狩三年。匈奴昆邪王殺休屠王。并將其衆。合四萬餘人來降。置五屬國以處之。本紀。師古曰。凡言屬國者。

存其國號而屬漢故曰屬國

安定三水

天水勇士

上郡龜茲

西河美稷

五原蒲澤

以上並屬國都尉治地理志

宣帝神爵二年置金城屬國以處降羌

五鳳三年置西河北地屬國以處匈奴降者並宣紀

水衡都尉

水衡都尉武帝元鼎二年初置掌上林苑有五丞屬官有上林均輸御羞禁圃輯濯鍾官技巧六廩辨銅

九官令丞

如淳曰御羞地名也在藍田其土肥沃多出御物可進者揚雄傳謂之御宿三輔黃圖御羞宜春皆苑名也輯濯船官也鍾官主鑄錢官也辨銅主分別銅之種類也師古曰御宿即今長安

城南御宿音不在藍田羞宿聲相近故或云御羞或云御宿耳羞者珍羞所出宿者止宿之義輯讀與輯同音集濯音直孝反皆所以行船也漢舊儀云天子六廩未央承華駒駘騎馬輅輅大廩也馬皆萬匹

據此表太僕屬官以有大廩未央輅騎馬駒駘丞華而水衡又云六廩技巧官是則技巧之徒供大廩者其官別屬水衡也又衡官水司空都水農倉又甘泉上林都

水七官長丞皆屬焉上林有八丞十二尉均輸四丞御羞兩丞都水三丞禁圃兩尉甘泉上林四丞成帝

建始二年省技巧六廩官王莽改水衡都尉曰子虞初御羞上林衡官及鑄錢皆屬少府百官表

虎圈嗇夫張釋之傳

輯濯士。劉屈氂傳。師古曰。主用輯及濯行船者也。

農官。少府皆置農官。食貨志。武帝水衡。

領護三輔都水。息夫躬劉向。又馮參領護左馮翊都水。

西漢會要卷三十一

宋徐天麟撰

職官二

宮官

詹事

詹事。秦官。應劭曰：詹，省也。給也。臣瓚曰：掌皇后太子家。有丞。詹事隨其所在。以名晏。屬官有太子率更家令。丞。僕。中。盾。衛。率。廚。廩。長。丞。
張晏曰：太子稱家。故曰家令。臣瓚曰：茂陵中書太子家令。秩八百石。應劭曰：知漏刻。故曰率更。自此以上。又中長秋。私府。永巷。倉。廩。祠。食。官。令。長。丞。諸官皆屬焉。
師古曰：自此以
太子之官也。更音工。衛反。
成帝鴻嘉三年省詹事官。并屬大長秋。
百官表：師古曰：省皇

中殿令。功臣表：戴敬侯。祕彭祖。以中殿令擊陳。

中御府令。霍光傳：中御府令高昌。又

中少府。百官表：韓勳。師古曰：皇后官。

舍人。功成表成陰侯周信爲呂后舍人。

長信詹事

長信詹事。掌皇太后官。景帝中六年更名長信少府。平帝元始四年更名長樂少府。百官表張晏曰以太

長信宮則曰長信少府居長樂宮則曰長樂少府也。

哀帝卽位。尊定陶太后曰共皇太后。丁姬曰共皇后。各置左右詹事。本紀徐天麟按詹事置左右始於此。

建平二年。尊傅太后爲皇太后。稱永信宮。丁太后爲帝太后。稱中安宮。而成帝母太皇太后。本稱

長信宮。成帝趙后爲皇太后。並四太后各置少府太僕。秩皆中二千石。外戚傳

中太僕掌皇太后輿馬。百官表

長信太僕。王莽傳長信太僕閔徐天麟按此官卽哀帝所置四太僕之一也。

長樂衛尉。百官表

長樂長御。王莽傳

長信庭林表。敘傳師古曰林表官名長信宮庭之林表孟康曰婦人之官也。

太公家令。高紀

太公僕。史記功臣表秘彭祖

大長秋

將行。秦官。應劭曰：皇景帝中六年，更名大長秋。師古曰：秋者收成之時，長者或用中人，或用士人。百官

太子太傅少傅

太子太傅少傅古官。屬官有太子門大夫。應劭曰：員五庶子。應劭曰：員五洗馬。張晏曰：員十六人。秩比

先舍人。百官表。

太子中庶子。史丹金匱皆為之。徐天麟按：鄒陽傳：奏任中庶子。蒙恬扁鵲傳：虢有

太子御驂乘。惠紀

護太子家。史丹傳

軍官

大將軍

高帝拜韓信為大將軍。本傳

景帝拜竇嬰為大將軍。本傳

武帝以衛青為大將軍。史記汲黯傳

元狩四年置大司馬。位大將軍。票騎將軍皆為大司馬。霍去病傳：按後漢志云：初武帝以衛青數征伐有功，為大將軍，欲尊寵之，以古尊官，唯有三公。諸將

軍始自秦晉以爲卿號故置大司馬官號以冠之其後霍光王鳳等皆然莫府

大將軍長史丙吉自軍市令遷

大將軍軍中司馬王鳳奏請王尊補

莫府校尉霍光擅調益莫府校尉

大將軍從事中郎王鳳奏以陳湯爲之

大將軍軍監匈奴傳上治衆等四人

大將軍史律歷志詔大將軍史雜候清臺

給事大將軍莫府蔡義

票騎將軍史記作票騎

武帝元狩四年置大司馬位大將軍票騎將軍皆爲大司馬定令票騎將軍秩祿與大將軍等霍去病傳

票騎將軍司馬趙破

鷹擊司馬霍去病傳

粟姚校尉霍去病爲之荀悅漢紀作粟鷄

驃騎將軍史藝文志朱字

車騎將軍

高帝八年遷靳歙爲車騎將軍本傳

宣帝地節三年拜張安世爲大司馬車騎將軍領尚書事數月罷車騎將軍屯兵更爲兩宮衛尉城門北

軍兵屬焉張安世傳

車騎將軍王音以外親宜典兵馬入爲將軍元后傳

莫府

車騎將軍長史趙充國由中郎遷

車騎都尉韓昌夫馮唐拜車騎都尉主車尉及郡國車士

從事中郎大司馬車騎將軍王音踵故選置從事母將隆

車騎將軍市令丙吉

車騎將軍掾王舜表奏云敵爲掾

車騎將軍千人王莽傳上扈雲師古曰千人官名屬車騎將軍

衛將軍

山都貞侯王恬啓以衛將軍擊陳豨。功臣表

文帝即位拜宋昌爲衛將軍領南北軍二年罷衛將軍。本紀

張安世拜大司馬車騎將軍領尙書事數月更爲衛將軍。本紀

莫府

衛將軍舍人。史記田叔傳衛將軍舍人百餘人田仁以壯健爲衛將軍舍人

衛將軍掾。蕭由

前後左右將軍

前後左右將軍皆周末官秦因之位上卿金印紫綬漢不常置或有前後或有左右皆掌兵及四夷有長

史秩千石。百官表

莫府

右將軍史。律歷志詔右將軍史雜候清臺

列將軍。別將并莫府附

上將軍。高后七年以趙王呂祿爲上將軍見本紀

游擊將軍功臣表高帝初陳稀為游擊將軍別定伐

復土將軍文紀後七年張武為復土將軍如淳曰主穿曠實陸事

將屯將軍文紀後七年令屬國悍為將屯將軍

復土都尉哀帝崩蕭由為復土都尉元后崩原涉守復土都尉

驍騎將軍武紀元光二年李廣

驍騎都尉功臣表齊受驍騎都尉又史記功臣表董忠為梟騎都尉

護軍將軍韓安國傳元光二年為護軍將軍諸將皆屬

輕車將軍武紀元光二年公孫賀為輕車將軍

輕車都尉

材官將軍武紀元光二年太中大夫李息為材官將軍

騎將軍武紀元光六年騎將軍公孫敖出代下文云代郡將軍

伏波將軍元鼎五年路博德為伏波將軍見南粵傳

伏波司馬功臣表蘇宏

樓船將軍元鼎五年楊僕為樓船將軍見南粵傳

戈船將軍武紀元鼎五年歸義越侯嚴為戈船將軍師古曰船下安戈戟以防蛟蠃水蟲之害

下瀨將軍武紀元鼎五年甲為下瀨將軍

橫海將軍武紀元鼎六年韓說

橫海校尉東粵傳橫海校尉福

浮沮將軍武紀元鼎六年公孫賀

匈河將軍武紀元鼎六年趙破奴

十二部將軍武紀元封元年詔曰朕將巡邊垂置十二部將軍親帥師焉

拔胡將軍元封四年郭昌見本傳

中將軍公孫敖以中將軍從大將軍再出定襄見本傳

因杆將軍太初元年公孫敖見本紀服虔曰因杆地名因所征以名將軍

貳師將軍太初元年以李廣利為貳師將軍期至武師城取善馬故號貳師將軍見本傳

執馬校尉武帝拜習馬者二人為執馬校尉

驅馬校尉見上

浚稽將軍武紀太初二年趙破奴應劭曰浚稽山在武威北

彊弩將軍李沮以左內史爲

彊弩將軍長史韓延壽請嚴延年爲長史

彊弩都尉路博德傳

度遼將軍昭紀元鳳三年以中郎將范明友爲度遼將軍應劭曰當度遼水往擊烏桓故以爲號

虎牙將軍宣紀本始二年田順

蒲類將軍宣紀本始二年趙充國晉灼曰匈奴傳有蒲類澤

祁連將軍宣紀本始二年田廣明應劭曰祁連匈奴中山名也

破羌將軍宣紀神爵元年辛武賢

護羌將軍見王尊傳

護羌將軍轉校尉師古曰爲校尉主轉運事而屬護羌將軍也王尊爲之

奮威將軍元紀永光二年以太常任千秋爲奮威將軍馮奉世傳作奮武將軍未詳孰誤

建威將軍史紀將相年表永光二年韓次君爲建威將軍

步兵將軍平帝元始五年執金吾王駿見百官表下

文成將軍武帝元狩中拜少翁文成將軍見封禪書

五利將軍封禪書元鼎四年拜大為五利將軍得

天士將軍上見

地士將軍上見

大通將軍上見

天道將軍上封禪書天子又刻玉印曰天道者且為天子道使立白茅也

別將

重將功臣表南安侯宣虎以重將破

廢將功臣表留侯張良

城將功臣表東武侯郭蒙入為漢

右林將功臣表漢三年宋子惠侯許應用趙右林

弩將功臣表清簡侯室中同

總莫府

軍正西南夷傳軍正王平百官

軍正承胡建傳天漢中軍正丞師古

都尉蕭何傳上令卒五百人一都尉為何衛後

長鈺都尉功臣表周竈

軍門都尉周亞夫傳

校司馬趙充國傳

輕騎校尉衛青傳

營軍司馬谷永傳車騎將軍

軍司馬楊敞給事大將軍莫

左司馬孔聚以左

右司馬陳胥以右司

騎司馬王虞人以

車司馬王競以車司馬

軍司空杜延年補軍司空

軍司空蘇林曰主獄官也

連敖韓信歸漢為連敖

軍候假丞陳湯傳

軍吏舍人馮唐傳魏尚

軍武庫令王鳳奏請杜欽為

門尉功臣表芒侯彤

壘尉主壘壁

軍匠梧侯陽城延以軍

職志應劭曰周昌為職志

駢驎功臣表許益以駢驎謂並兩騎為軍翼也

說衛許益以說衛入漢師古曰說讀

隊率申屠嘉傳材

隊史棘邱侯襄以

執矛中邑貞侯朱進以

護軍都尉

護軍都尉秦官武帝元狩四年屬大司馬成帝綏和元年居大司馬府比司直哀帝元壽元年更名司寇

平帝元始元年更名護軍。百官表

護軍中尉。高帝拜陳平護軍中尉。使盡護諸將。見本傳。

護軍射師。藝文志。王賀。

司隸校尉

司隸校尉周官。武帝征和四年。初置持節從中都官徒千二百人。捕巫蠱。督大姦猾。後罷其兵。察三輔三河宏農。元帝初元四年去節。成帝元延四年省。綏和二年哀帝復置。但為司隸冠進賢冠。屬大司空。比司直。百官表。

從事。鮑宣傳。

掾。趙后傳。司隸解光遣從事掾業。史望。

史。趙后傳。見上。

假佐。王尊傳。假佐放。

城門校尉

城門校尉掌京師城門屯兵。有司馬十二城門候。百官表。又劉屈氂傳云。武帝征和二年。以太子在外。始置屯兵長安諸城門。

領城門兵。孔光為太師。領城門兵。王音為特進。領城門兵。置莫府。得舉吏如將軍。

城門令史王莽傳王興者故城門令史

八校尉中壘屯騎步兵越騎長水胡騎射聲虎賁

中壘校尉掌北軍壘門內外掌西域師古曰掌北軍壘門之內而又外掌西域屯騎校尉掌騎士步兵校尉掌上林苑門屯兵

越騎校尉掌越騎如淳曰越人內附以爲騎也晉灼曰取其材力超越也師古曰長水胡名也宣曲又有胡騎校尉掌池陽胡騎不常置師古曰胡騎之師古曰長水胡名也宣曲

觀名胡騎之屯於宣曲者又胡騎校尉掌池陽胡騎不常置屯池陽者也射聲校尉掌待詔射聲士

服虔曰工射者也冥冥中聞聲則中之因以虎賁校尉掌輕車凡八校尉皆武帝初置有丞司馬自司隸

至虎賁校尉秩皆二千石百官表徐天麟按中壘校尉掌北軍則知八校皆北軍也東都五營即

監北軍使者劉屈氂傳任安又史記云武帝使任安護北軍

北軍錢官史記任安笮辱北軍錢官

西域都護

西域都護加官宣帝地節二年初置以騎都尉諫大夫使護西域三十六國有副校尉秩比二千石丞一

人司馬候千人各二人百官表又西域傳云都護治烏壘城去陽關二千七百三十八里

揚威白虎合騎之校陳湯斬郅支益置揚威白虎合騎之校見本傳

屯田校尉西域傳云武帝置都護匈奴益弱不得近西域於是徙屯田於北胥鞬莎車之地屯田校尉始屬

都護

渠犁田官西域傳即謂屯田校尉

北假田官元紀初元五年罷假田官

伊循都尉西域傳元鳳四年立尉居耆為樓蘭上更名其國為鄯善王請曰國中有伊循城願漢遣一將屯田積穀令臣得依其威重於是漢遣司馬一人吏士四十人田伊循以鎮撫之其

後更置都尉伊循官置始此矣

司馬見上

護宛使者大司馬音薦長史谷永為之

戊己校尉西域傳元帝置戊己校尉屯田車師前王庭

戊己校尉元帝初元元年置有丞司馬各一人候五人秩比六百石百官表師古曰甲乙丙丁庚辛壬癸皆

尉亦無常居故取戊己為名也有戊校尉有己校尉一說戊已居中鎮撫四方今所置校尉亦處西域之中撫諸國也

戊己校尉史王莽傳中陳良終帶

奉車都尉駙馬都尉

奉車都尉掌御乘輿車駙馬都尉掌駙馬皆武帝初置秩比二千石百官表師古曰駙副馬也非正駕車皆為駙馬一曰駙近也疾也

西漢會要卷三十三

宋徐天麟撰

職官三

三輔

京兆尹

師古曰京大也兆者衆數言大衆所在

內史周官秦因之掌治京師景帝二年分置左內史右內史武帝太初元年更名京兆尹屬官有長安市廚兩令丞又都水鐵官兩長丞左內史更名左馮翊屬官有廩犧令丞尉又左都水鐵官雲壘長安四市四長丞皆屬焉百官表

長安游徼獄吏秩百石

趙廣漢傳

左馮翊

張晏曰馮輔也翊佐也

見上京兆尹條

司東市令

貨殖傳

左馮翊二百石卒史黃霸入穀補此官

右扶風

主爵中尉秦官掌列侯景帝中六年更名都尉武帝太初元年更名右扶風治內史右地屬官有掌畜令丞又有都水鐵官廢離尉四長丞皆屬焉與左馮翊京兆尹是為三輔皆有兩丞列侯更屬大鴻臚元鼎四年更置三輔都尉都尉丞各一人百官表又元帝紀建昭三年分三輔都尉秩皆二千石

郡國

諸侯王國

諸侯王高帝初置金璽蓋綬掌治其國有太傅輔王內史治國民中尉掌武職丞相統衆官羣卿大夫都官如漢朝景帝中五年令諸侯王不得復治國天子為置吏改丞相曰相省御史大夫廷尉少府宗正博士官大夫謁者郎諸官長丞皆損其員武帝改漢內史為京兆尹中尉為執金吾郎中令為光祿勳故王國如故損其郎中令秩千石改太僕曰僕秩亦千石成帝綏和元年省內史更令相治民如郡太守中尉如郡都尉百官表

成帝綏和中何武為御史大夫司空與丞相方進共奏言往者諸侯王斷獄治政內史典獄事相總綱紀輔王中尉備盜賊今王不斷獄與政師古曰與讀曰豫中尉官罷職并內史郡國守相委任所以壹統信安百姓

也。今內史位卑而權重，威職相踰，不統尊者，難以爲治。臣請相如太守，內史如都尉，以順尊卑之序。平輕重之權。制曰：可以。內史爲中尉。何武傳

景遭七國之難，抑損諸侯，滅黜其官。武有衡山淮南之謀，作左官之律。諸侯王表：應劭曰：人道上下，今舍天子而仕諸侯，故謂之左官也。

相掾。梁平王襄傳

舍人。高五王傳：魏勃爲齊舍人。

從史。爰盎傳

內史丞。藝文志：河間內史丞王定。

內史掾。廣川王傳

侍御史。太倉公傳：齊侍御史成。

太中大夫。百官表：薄昭。

中大夫。太倉公傳：齊中大夫病齩齒。

中郎曹將。梁王立傳

中郎。伍被爲淮南中郎

侍郎。王尊傳

衛士長昌邑王傳

廩長王尊傳

太倉長史記倉公傳齊太倉長漕于意

宰人與驪奴宰人游戲

私府長錢之府遷廣陽私府諸侯曰私府

中御府長發太倉公傳齊中御府長信田叔傳云魯王

中謁者東平王傳中謁者信

黃門郎師丹傳

大官令燕王旦傳

食官長梁王襄傳

尙食監馮唐傳

永巷長太倉公傳

宦者肥王齊傳

中傅武紀濟川王明坐射殺其太傅中傅廢應劭曰中傅宦者也文三王傳作中尉與紀不嗣

醫工長燕王旦傳

太醫太倉公傳

侍醫太倉公傳

尙方郊祀志藥方

少史河間王留貴

侍中霍光傳昌邑王書問侍中君卿

常侍楚王聘龔舍為常侍

長史梁平王傳曰欲以傷梁長史

司馬司空太倉公傳齊濟于司馬北宮司空

太子師傅吳王濞傳

大將軍吳王濞傳田祿伯為大將軍

將軍齊王襄以魏勃為將軍丁寬為梁孝王將軍

關內侯霍光傳姊夫昌邑關內侯

左右閣都尉太倉公傳齊左右閣都尉

大與功臣表闕氏節侯馮解散以大與降

冗從枚舉為梁王使與冗從爭也

內官

夫人廣川王傳明正夫人

美人淮南王傳令故美人

材人見上

八子高五王傳以令置

孺子中山哀

家人子外戚

永巷僕射廣川王傳使其大

異姓諸侯王

漢亡尺土之階。繇一劍之任。五載而成帝業。書傳所記未嘗有焉。故據漢受命譜十八王。訖于孝文。異姓

盡矣。異姓諸侯王表

昔高祖定天下。功臣異姓而王者八國。張耳。吳芮。彭越。黥布。臧荼。廬縮。與兩韓信。本

高后欲立諸呂爲王。問王陵。陵曰：高皇帝刑白馬而盟，曰：非劉氏而王者，天下共擊之。今王呂氏，非約也。太后不說。問左丞相平及絳侯周勃等，皆曰：高帝定天下，王子弟，今太后稱制，欲王昆弟諸呂，無所不可。太后喜，罷朝。陵讓平，勃曰：始與高帝啖血而盟，諸君不在邪？今高帝崩，太后女主，欲王呂氏，諸君縱欲阿意背約，何面目見高帝於地下乎？平曰：於面折廷爭，臣不如君；全社稷安劉氏後，君亦不如臣。陵無以應之。王陵傳

西楚霸王項籍都彭城。漢五年，誅徙韓信爲楚王。六年，廢爲侯。

衡山王吳芮都邾。漢五年，芮徙長沙。

臨江王共敖都江陵。漢三年八月，子尉嗣爲王。五年十二月，漢虜尉。

九江王英布都六。漢二年十二月，降漢。四年，漢立布爲淮南王。十一年，布反，誅。

趙王張耳都襄國。漢元年九月，耳降漢。十月，代王歇還王趙。二年十月，漢滅歇。三年十一月，漢復立張耳

爲趙王。五年，耳薨，子敖嗣爲王。八年，敖廢爲侯。

代王趙歇都代。漢元年十月，徙歇王趙。以陳餘爲代王，號成安君。二年十一月，屬漢爲太原郡。五年，以太

原爲國。王韓信九月反，降匈奴。

齊王田都都臨菑。漢元年四月，降。楚田榮爲齊王。十二月，項籍擊殺榮，立故齊王田假爲齊王。二年二月，

田榮弟橫擊殺假立田榮弟廣爲齊王。三年十一月。漢將韓信擊殺廣。屬漢爲郡。四年。置齊國。王韓信。五年。徙王楚。立濟北王田安。都博陽。漢九年六月。田榮擊殺安。屬齊膠東王田市。都卽墨。漢元年五月。田榮擊殺市。屬齊。

雍王章。邯鄲廢邱。漢二年。英殺邯。屬漢。爲中地。隴西北地郡。

塞王司馬欣。都櫟陽。漢元年七月。降漢。爲渭南河上郡。翟王董翳。都高奴。漢元年七月。降漢。爲上郡。

燕王臧荼。都薊。漢四年九月。反。誅荼。後九月。廬綰爲燕王。十一年。反。降匈奴。

遼東王韓廣。都無終。漢元年。臧荼擊殺廣。屬燕。

魏王魏豹。都平陽。漢二年。豹降漢。爲王。從漢伐楚。四月。歸畔漢。八月。韓信擊虜豹。屬漢。爲河東上黨郡。

殷王司馬卬。都朝歌。漢二年二月。降。屬漢。爲河內郡。韓王韓成。都陽翟。漢元年六月。項籍誅成。立鄭昌。爲

韓王。十月。漢立韓信。爲韓王。六年。信徙太原。

河南王申陽。都雒陽。漢元年九月。降。屬漢。爲河南郡。

長沙王吳芮。漢五年二月。立。六月。薨。成王臣嗣。傳至靖王。產無嗣。國除。

魯王張偃。高后元年四月。以外孫立。八年。爲侯。

淮陽王呂彊。高后元年四月。立。五年。薨。六年。壺關侯武立。八年。以非孝。惠子誅。

常山王呂不疑。高后元年四月立。二年薨。襄城侯義立。四年立爲帝。軹侯朝立。八年以非惠帝子誅。呂王呂台。高后元年以高后兄子立。二年薨。子嘉嗣。六年嘉廢。十一月王呂產立。七年二月產徙梁。立爲梁王。八年漢大臣共誅產。

燕王呂通。高后八年七月立。八月誅。

梁王呂產。高后七年二月立。八年誅。異姓諸侯王表上同。

中大夫。黥布傳中大夫賁赫。

太宰。黥布傳隨何使淮南至太宰主之。

部刺史

監御史秦官。掌監郡。漢省丞相遣史分刺州。不常置。武帝元封五年。初置部刺史。掌奉詔條察州。師古曰。職儀云。刺史班宣。周行郡國。省察治狀。黜陟能否。斷治冤獄。以六條問事。非條所問。卽不責。一條。攬宗豪右田宅踰制。以墮陵。窮以衆暴寡。二條。二千石不奉詔書。遵承典制。倍公向私。旁招守利。侵漁百姓。聚斂爲姦。三條。二千石不郵疑獄。風厲殺人。怒則任刑。喜則淫賞。煩擾刻暴。割截黎元。爲百姓所疾。山崩石裂。妖祥訛言。四條。二千石選補不平。苟阿所愛。蔽賢寵頑。五條。二千石子弟恃怙榮勢。請託所監。六條。二千石違公下比。阿附豪彊。秩六百石。員十三人。成帝綏和元年。更名牧。秩二千石。哀帝建平二年。復爲刺史。通行貨賂。割損正令也。元壽二年。復爲牧。百官表。

郡守

郡守秦官。掌治其郡。秩二千石。有丞邊郡。又有長史掌兵馬。秩皆六百石。景帝中二年更名太守。百官

郡掾

別駕黃霸傳別駕主簿車

主簿朱博

書佐朱博傳又王尊補書佐

功曹鮑宣為都尉太守功曹

議曹扶風謁請原

賊曹掾薛宣傳賊曹掾張

決曹掾薛宣傳決曹掾王立又路溫舒補

賊捕掾張敞傳賊捕掾

五官掾王尊傳五

門下掾朱博傳門

門下督游俠傳萬章為

郡掾祭酒鮑宣傳薛方嘗

郡文學梅福爲

郡文學史鄭崇爲

郡文學卒史史記匡衡補平

學經師平紀元始三年立學官

宗師平紀元始五年

舍人高紀南陽太守舍人

史陳遵與張竦俱爲京兆史注

從史陳遵爲河南太守

諸曹史朱博

右曹掾史朱博

太守卒史張敞尹翁歸並補太守卒史又儒

五經百石卒史儒林傳元帝好儒

直符史王尊

獄史丙吉爲

獄小吏尹翁歸為

小史進谷永少為長安太守府為小史翟方

督郵田延年徒卒史尹翁歸補督郵

督郵掾馮野王傳督郵掾趙都

督郵書掾朱博出為督郵書掾所部職辦

都吏文紀二千石遺都吏如漭曰律說都吏今督郵是也閑惠曉事即為文無古都吏

少府文翁減省少府用度師古曰少府郡掌財物之府以供太守者也

守屬王尊補守屬

給事太守府咸宣以佐史給事河東守張湯給事內史為寧成掾

司空陳咸為南陽太守犯法者以律程作司空師古曰司空主作役官

都尉

都尉秦官掌佐守典武職甲卒秩比二千石有丞秩皆六百石景帝中二年更名都尉表百官

關都尉秦官農都尉屬國都尉皆武帝初置表百官

受降都尉田廣明傳

宜禾都尉地理志

護漕都尉朱博徙爲井州

尉史田廣明傳一尉史蘇昌漢史各二人

哀兆都尉華陰京輔

扶風都尉右輔

東郡都尉阿都

汝南都尉女陰都

南郡都尉夷陵都

清河都尉只邱都

魏都尉魏都

常山都尉南行唐

平原都尉樂陵都

濟南都尉於陵都

琅邪都尉姑幕都

西漢會要卷三十三

馮翊都尉高陵左輔

太原都尉廣武都

陳留都尉外黃都

南陽都尉鄧都

九江都尉歷陽都

鉅鹿都尉下曲陽

涿安都尉平都

勃海都尉高城都

千乘都尉蓼城都

泰山都尉盧都

東海都尉費都

三三六

山陽單父都尉治

臨淮盱眙都尉治

會稽錢唐西部都尉治
孟康曰會稽東部都尉治
揚雄

豫章新淦都尉治

廣漢道北都尉治
陰平

越嶲定笮都尉治

金城宣紀神爵二年置
金城屬國以處降羌
又趙充

張掖曰勒都尉治
居延都尉治

安定參謀主騎都尉治

酒泉會水北都尉治
偃水障又東部都尉

燉煌燉煌中部都尉治
陽關玉門關皆都尉

北地富平北都尉治
外渾懷障

上郡匈奴歸都尉治
塞外匈奴歸障高望北都尉

西河南都尉治
塞外翁龍埤是增山北都尉
治虎猛西部都尉
治班况馮參皆

沛蕪都尉治

丹陽欽都尉治

漢中襄中都尉治

犍爲漢陽都尉治

犂犂夜郎都尉治
進

天水勇士驢國都尉治
滿

隴西臨洮南部都尉治

隴西臨洮南部都尉治

朔方都尉治渠搜中廣牧東部

五原都尉治渠搜中廣牧東部

雲中陶林東部都尉治榆陽高西屬國都尉治田辟

完襄武進西都尉治武要東都尉治武舉中

鴈門沃陽西都尉治武要東都尉治武舉中

代郡高柳西都尉治且如中馬城東部

漁陽要陽都尉治

遼西柳城西都尉治

遼東無慮西都尉治武次東部

鬱林領方都尉治

合浦朱盧都尉治

郡國均輸鹽鐵官

武帝元封元年因桑宏羊請置大農部丞數十人分部主郡國各往往置均輸鹽鐵官郡不出鐵者置小鐵官鑄舊鐵使屬在所縣志食貨

上谷寧西都尉治女

右北平黃都尉治

樂浪昭明南都尉治

交趾叢洽都尉治

九真無切都尉治以上地理志

元帝初元五年罷鹽鐵官永光三年復本紀

千乘郡地理志

以上並有均輸官

河東安邑

南郡巫

勃海武章

琅邪海曲計斤長廣

犍為南安

益州然連

安定三水

上郡獨樂

朔方沃樂

鴈門樓煩沃長丞陽

隴西郡

河東黃霸補官東均輸官

太原晉陽

鉅鹿堂陽

千乘郡

會稽海鹽

蜀臨邛

巴朐忍

北地居

西河富昌

五原宜城

漁陽泉

遼西海陽

遼東平郭

蒼梧高要

北海都光

以上並有鹽官

京兆鄭

右扶風漆雍

河東安邑絳皮

河內隆

潁川陽城

南陽宛

山陽郡

魏安武

千乘郡

泰山贏

南海番禺

東平國

東萊曲城東牟嶷昌陽
當利並地理志

左馮翊夏陽

宏農宜陽池

太原大陵

南河郡

汝南西平

廬江皖

沛沛

常山都

濟南東平陵
歷城

齊臨淄

東萊_{東牟}

臨淮_{鹽濱堂邑}

漢中_{陽河}

蜀_{臨邛}

漁陽_{漁陽}

遼東_{郭平}

膠東_{郁秩}

楚_{彭城}

中山_{北平}

城陽_莒

以上並有鐵官_{並地理志}

列郡別置官

東海_{下邳}

桂陽_郡

犍爲_{武陽南安}

琅邪_郡

右北平_{夕陽}

隴西_郡

魯_國

廣陵_國

東平_國

涿_郡

齊三服官_{貢禹傳貢禹上疏曰故時齊三服官輸物不過十萬}
元帝初元五年罷齊三服官_{紀本}

哀帝卽位詔齊三服官諸官織綺繡難成害女紅之物皆止作無輸紀本

陳留襄邑

以上並有服官

河南郡

濟南東平陵

潁川郡

蜀成都

齊臨淄並地理志

南陽宛

泰山郡奉高

河內懷

廣漢郡雒並地理志

以上並有工官

雒陽武庫令魏相傳車千秋子為雒陽武庫令

京兆船司空地理志師古曰本主船之官遂以為縣

太原郡捫馬官地理志初名家馬官後改曰捫馬捫音動

遼東郡襄平縣牧師官地理志

上郡庫令成紀上郡庫令良注云漢官北邊郡庫官兵器所藏故置令

南郡發弩官地理志師古曰主教放弩

南郡編縣雲夢官。

江夏郡西陵縣雲夢官。

廬江郡樓船官。

九江郡陂官。

九江郡湖官。

丹陽郡銅官。

桂陽郡金官。

蜀郡嚴道縣木官。

巴郡朐忍縣橘官。

巴郡魚復縣橘官。

南海郡圃羞官。

南海郡中宿縣涯浦官。

交趾郡羸婁縣羞官。並地志。

北假田官。元紀晉灼曰：北假地名。

縣令長

縣令長皆秦官。掌治其縣。萬戶以上為令。秩千石至六百石。減萬戶為長。秩五百石至三百石。皆有丞尉。秩四百石至二百石。是為長吏。百石以下有斗食佐史之秩。是為少史。大率十里一亭。亭有長。十亭一鄉。鄉有三老。有秩。嗇夫。游徼。三老掌教化。嗇夫職聽訟收賦稅。游徼循禁賊盜。縣大率方百里。其民稠則減。稀則曠。鄉亭亦如之。皆秦制也。百官表

掾史

縣掾。郭解傳。楊季主為縣掾。

門下掾。原涉傳。王游公為茂陵門下掾。

戶曹掾史。尹賞為長安令。部戶曹掾史。

縣史。衛青父以縣史給事侯家。

令史。項羽傳。陳嬰故東陽令史。

獄史。子定國為縣獄史。

獄小吏。路溫舒求為獄小吏。

小史。田廣明傳。園小史。

外史平帝元始元年置外史閭師秩六百石

閭師上見

校經師平帝元始三年立學官縣道邑侯國曰校校置經師一人鄉曰庠聚曰序庠序置孝經師一人

庠序孝經師上見

功曹朱博給事縣為亭長稍遷功曹

鄉吏尹賞部鄉吏亭長里正父老五人

里正上見

里監門酈食其為里監門

求盜高紀應劭曰舊時亭有兩卒一為亭父一為亭盜掌開閉掃除一為求盜掌逐捕盜賊

西漢會要卷三十四

宋徐天麟撰

職官四

封建

封功臣

漢興自秦二世元年之秋。楚陳之歲。初以沛公總帥雄俊。三年。然後西滅秦。立漢王之號。五年。東克項羽。卽皇帝位。八載而天下乃平。始論功而定封。訖十二年。侯者百四十有三人。時大城名都。民人散亡。戶口可得而數。裁什二三。是以大侯不過萬家。小者五六百戶。封爵之誓曰。使黃河如帶。泰山若厲。國以永存。爰及苗裔。於是申以丹書之信。重以白馬之盟。又作十八侯之位次。孟康曰。唯作元功蕭曹等十八人位。次耳。高后乃詔作位次。下竟師古曰。謂蕭何。曹參。張敖。周勃。樊噲。酈商。奚涓。夏侯嬰。灌嬰。傅寬。靳歙。王陵。陳武。王吸。薛歐。周昌。丁復。蟲達。從第一至十八也。高后二年。復詔丞相陳平。盡差列侯之功。錄第下。竟藏諸宗廟。副在有司。始未嘗不欲固根本。而枝葉稍落也。逮文景四五世間。流民既歸。戶口亦息。列侯大者至三四萬戶。小國自倍。富厚如之。子孫驕逸。亡其先祖之艱難。多陷法禁。隕命亡國。或云子孫

訖於孝武後元之年。靡有子遺。耗矣。罔亦少密焉。故孝宣皇帝愍而錄之。乃開廟藏。覽舊籍。詔令有司求其子孫。咸出庸保之中。並受復除。或加以金帛。用章中興之德。降及孝成。復加卹問。稍益衰微。不絕如綫。善乎杜業之納說也。曰。昔唐以萬國致時雍之政。虞夏以之多羣后。饗共己之治。湯法三聖。殷氏太平。周封八百。重譯來賀。是以內恕之君。樂繼絕世。隆名之主。安立亡國。至於不及下車。德念深矣。成王察牧野之克。顧羣后之勤。知其恩結於民心。功光于王府也。故追述先父之志。錄遺老之策。高其位。大其寓。愛敬飭盡。命賜備厚。大孝之隆。於是爲至。至其沒也。世主歎其功。無民而不思。所息之樹。且猶不伐。況其廟乎。是以燕齊之祀。與周並傳。子繼弟及。歷載不墮。豈無刑辟。繇祖之竭力。故支庶賴焉。迹漢功臣。亦皆割符世爵。受山河之誓。存以著其號。亡以顯其魂。賞亦不細矣。百餘年間。而襲封者盡。或絕失姓。或乏無主。朽骨孤於墓。苗裔流於道。生爲慙隸。死爲轉屍。以往況今。甚可悲傷。聖朝憐閔。詔求其後。四方忻忻。靡不歸心。出入數年。而不省察。恐議者不思大義。設言虛亡。則厚德掩息。遊東布章。非所以視化勸後也。三人爲衆。雖難盡繼。宜從尤功。於是成帝復紹蕭何。哀平之世。增修曹參。周勃之屬。得其宜矣。以綴續前記。究其本末。并序位次。盡于孝文。以昭元功之侯籍。功臣表

高帝與功臣剖符作誓。丹書鐵契。金匱石室。藏之宗廟。列侯畢已受封。奏位次。皆曰。平陽侯曹參功最多。宜第一。然上心欲何爲第一。鄂千秋曰。蕭何當第一。參次之。上乃令何第一。蕭何傳

十二年詔曰。吾立爲天子。帝有天下。十二年于今矣。與天下之豪士共定天下。同安輯之。其有功者。上致之王。次爲列侯。下乃食邑。而重臣之親。或爲列侯。皆令自致吏。得賦斂。女子公主。爲列侯。食邑者。皆佩之印。賜大第室。吏二千石。徙之長安。受小第室。入蜀漢。定三秦者。皆世世復。吾于天下功臣。可謂亡負矣。云。

本紀

高后二年。詔曰。高皇帝匡飭天下。諸有功者。皆受分地。爲列侯。朕思念至于久遠。而功名不著。亡以尊大。誼施後世。今欲差次列侯功。以定朝位。藏于高廟。世世勿絕。嗣子各襲其功位。其與列侯議定。奏之。丞相臣平。言謹與絳侯臣勃。曲周侯臣商。穎陰侯臣嬰。安國侯臣陵等議。列侯幸得賜餐錢奉邑。陛下加惠臣功。次定朝位。臣請藏高廟。奏可。

本紀

封外戚

高后欲立諸呂爲王。問王陵。陵曰。高皇帝刑白馬而盟。曰。非劉氏而王者。天下共擊之。今王呂氏。非約也。太后不說。問左丞相平。及絳侯周勃等。皆曰。高帝定天下。王子弟。今太后稱制。欲王昆弟。諸呂無所不可。太后喜。罷朝。陵責平勃曰。始與高帝啜血而盟。諸君不在邪。今高帝崩。太后女主。欲王呂氏。諸君縱欲阿意背約。何面目見高帝于地下乎。平曰。子面折廷爭。臣不如君。全社稷。安劉氏後。君亦不如臣。陵無以應之。

王陵傳

周亞夫爲丞相。竇太后曰：皇后兄王信可侯也。上曰：始南皮及章武先帝不侯。

師古曰：南皮竇彭祖太后弟長君之子。章武太后母。

第廣及臣卽位，乃侯之。信未得封也。竇太后曰：人生各以時行耳。竇長君在時不得侯，死後乃其子彭祖

顧得侯，吾甚恨之。帝趣侯信也。上曰：請得與丞相計之。亞夫曰：高帝約非劉氏不得王，非有功不得侯。不

如約，天下共擊之。今信雖皇后兄，無功侯之，非約也。上默然而沮。

周亞夫傳。

漢興，外戚與定天下侯者二人，故誓曰：非劉氏不王。若有亡功非上所置而侯者，天下共誅之。是以高后

欲王諸呂，王陵廷爭。孝景將侯王氏，修侯犯色，卒用廢黜。是後薄昭竇嬰上官衛霍之侯，以功受爵，其餘

后父據春秋褒紀之義，帝舅緣大雅申伯之意，寢廣博矣。

外戚恩澤表。

成帝河平二年六月，悉封諸舅。王譚爲平阿侯，商爲成都侯，立爲紅陽侯。逢時爲高平侯，五人同日封。故

世謂之五侯。太后母李氏更嫁爲河內苟賓妻，生子參。太后欲田蚡爲比而封之。上曰：封田氏非正也。以

參爲侍中，水衡都尉。

元后傳。

哀帝欲封祖母傅太后從弟商，鄭崇諫曰：孝成皇帝封親舅五侯，天爲赤黃，晝皆日中有黑氣。今祖母從

昆弟二人，已侯孔鄉侯。皇后父高武侯，以三公封，尙有因緣。今無故欲復封商，壞亂制度，逆天人心，非傳

氏之福也。臣聞師曰：逆陽者厥極弱，逆陰者厥極凶。短折犯人者有亂亡之患，犯神者有疾天之禍。故周

公著戒曰：惟王不知艱難，唯耽樂是從。時亦罔有克壽。故衰世之君，天折蚤沒，此皆犯陰之害也。臣願以

身命當國各崇。因持詔書案起。傅太后大怒曰。何有爲天子乃反爲一臣所顯制邪。上遂下詔曰。朕幼而孤。皇太后躬自養育。免于襁褓。教道以禮。至于成人。惠澤茂焉。欲報之德。嗚天罔極。前追號皇太后。父爲崇祖侯。惟念德報未殊。朕甚慙焉。侍中光祿大夫商。皇太后父同產子。小自保大。恩義最親。其封商爲汝昌侯。爲崇祖侯後。更號崇祖侯。爲汝昌哀侯。鄭崇傳

封丞相

元朔中公孫宏代薛澤爲丞相。先是漢常以列侯爲丞相。唯宏無爵。上于是下詔曰。朕嘉先聖之道。開廣門路。宣招四方之士。蓋古者任賢而序位。量能以授官。勞大者厥祿厚。德盛者獲爵尊。故武功以顯重。而文德以行褒。其以高成之平津鄉戶六百五十封丞相宏爲平津侯。其後以爲故事。至丞相封。自宏始也。

本傳

孝武元功宿將略盡。會上亦興文學。進拔幽隱。公孫宏自海瀕而登宰相。於是寵以列侯之爵。自是之後。

宰相畢侯矣。恩澤侯表

朱博爲丞相。封陽鄉侯。食邑二千戶。上書曰。故事。封丞相不滿千戶。而臣過制。願還千戶。本傳

平當爲御史大夫。至丞相。以冬月賜爵關內侯。本傳漢儀注。御史大夫爲丞相。更春乃封。李奇曰。以冬月非封侯時。

遣列侯就國

文帝二年十月。詔曰。朕聞古者諸侯建國千餘。各守其地。以時入貢。民不勞苦。上下驩欣。靡有違德。今列侯多居長安。邑遠。吏卒給輸費苦。而列侯亦無繇教訓其民。其令列侯之國。爲吏及詔所止者。遣太子。紀本

同下

三年十一月。詔曰。前日詔遣列侯之國。辭未行。丞相朕之所重。其爲朕率列侯之國。遂免丞相勃。遣就國。紀本

景帝二年十月。省徹侯之國。

晉灼曰。文帝遣列侯之國。今省之。

繼絕世

高帝五年。下令曰。楚地已定。義帝亡後。欲存恤楚衆。以定其王。齊王信習楚風俗。更立爲楚王。本紀

孝文元年。更封蕭延爲鄼侯。功臣表

孝景二年。封故相國蕭何孫係爲列侯。

中元元年。封故御史大夫周苛周昌孫子爲列侯。

孝武元光三年。封高祖功臣五人後爲列侯。

元狩三年。封故相國蕭何曾孫慶爲列侯。

孝宣地節二年。詔大司馬大將軍博陵侯功德茂盛。朕甚嘉之。復其後世。疇其爵邑。世世毋有所與。功如蕭相國。

地節四年封故鄴侯蕭何曾孫建世爲侯。

元康元年復高皇帝功臣絳侯周勃等百三十六人家子孫令奉祭祀世世勿絕其毋嗣者復其次並本紀

功臣子孫訖于孝武後元之年靡有子遺耗矣故孝宣皇帝愍而錄之乃開廟藏覽舊籍詔令有司求其

子孫咸出庸保之中並受復除或加以金帛用章中興之德降及孝成復加卹問稍益衰微不絕如綫杜

業納說曰內怨之君樂繼絕世隆名之主安立亡國迹漢功臣亦皆割符世爵受山河之誓存以著其號

亡以顯其魂賞亦不細矣百餘年間而襲封者盡或絕失姓或乏無主朽骨孤於墓苗裔流於道生爲愍

隸死爲轉屍以往況今甚可悲傷聖朝憐憫詔求其後四方忻忻靡不歸心出入數年而不省察恐議者

不思大義設言虛亡則厚德掩息遘東布章非所以視化勸後也三人爲衆雖難盡繼宜從尤功于是成

帝復紹蕭何哀平之世增修曹參周勃之屬得其宜矣功臣表

元康四年賜故右扶風尹翁歸子黃金百斤以奉其祭祀又賜功臣適後黃金人二十斤本紀

成帝元延元年封蕭相國後喜爲鄴侯本紀

孝平元始二年封故大司馬博陸侯霍光從父昆弟曾孫陽宣平侯張敖元孫慶忌周勃元孫共按本傳乃元孫

之子舞陽侯樊噲元孫之子章皆爲列侯復爵賜故曲周侯酈商等後元孫酈朋友等百一十三人爵關

內侯食邑各有差本紀

元始中。太皇太后詔賜公孫宏後子孫之次當爲後者。爵關內侯。徵詣公車。上名尙書。朕親臨拜焉。史記公孫宏傳

王四夷君長

高帝五年。詔曰。故粵王亡諸。世奉粵祀。秦侵奪其地。使其社稷不得血食。諸侯伐秦。亡諸身帥閩中兵。以佐滅秦。項羽廢而弗立。今以爲閩粵王。王閩中地。勿使失職。本紀

十一年五月。詔曰。粵人之俗。好相攻擊。前時秦徙中縣之民南方三郡。使與百粵雜處。會天下誅秦。南海尉它居南方長。治之甚有文理。中縣人以故不耗滅。粵人相攻擊之俗益止。俱賴其力。今立它爲南粵王。使陸賈卽授璽綬。它稽首稱臣。本紀

十二年。詔曰。南武侯織。亦粵之世也。立以爲南海王。本紀

孝惠三年。舉高帝時粵功。曰閩君搖功多。其民使附。乃立搖爲東海王。都東甌。世號曰東甌王。閩粵傳

武帝建元四年。南粵王胡遣太子嬰齊入宿衛。元鼎四年。上書請比內諸侯。三歲一朝。除邊關。於是天子許之。賜其丞相呂嘉銀印。及中尉太傅印。餘得自置。本傳

建元六年。閩粵王郢攻南粵。粵人殺郢降。天子曰。郢等首惡。獨無諸孫絲君丑不與謀。乃使郎中將立丑爲粵繇王。奉閩粵祭祀。本傳

孝昭始元六年詔曰。鉤町侯母波率其君長人民擊反者。斬首捕虜有功。其立母波爲鉤町王。本紀

匈奴故印文曰。匈奴單于璽。本傳王莽更曰新匈奴單于章。

西南夷君長以百入。越本作數。謝本作入。獨夜郎滇受王印。本傳。

傅介子斬樓蘭王。馳傳詣闕。乃立王弟尉屠耆爲王。更名其國爲鄯善。爲刻印章。賜以宮女爲夫人。西域傳。

關都尉文忠攻罽賓。殺其王。立陰未赴爲罽賓王。同上。

西域凡國五十。自譯長城長君。監吏大祿百長千長都尉。且渠常戶將相至侯王。皆佩漢印綬。凡三百七

十六人。本傳。

侯降虜

昔書稱蠻夷帥服。詩云。徐方既徠。春秋列潞子之爵。許其慕諸夏也。漢興。至于孝文時。乃有弓高襄城之封。雖自外徠。本功臣後。故至孝景始欲侯降者。丞相周亞夫守約而爭。帝黜其議。初開封賞之科。功臣表下。
匈奴王徐盧等五人降漢。師古曰。功臣表曰。唯徐盧。上欲侯之以勸後。亞夫曰。彼背其主降陛下。陛下侯之。卽何以責人臣不守節者乎。上曰。丞相議不可用。乃悉封徐盧等爲列侯。周亞夫傳。

封方士

欒大見武帝。言黃金可成。而河決可塞。不死之藥可得。僊人可致也。上乃拜大爲五利將軍。居月餘。得四

印得天士將軍地士將軍大通將軍詔以二千戶封地士將軍大爲樂通侯賜列侯甲第郊志

婦人爵邑

高帝封兄伯妻爲陰安侯文紀蘇林曰高帝兄伯妻龔顏侯母邱嫂也

高后二年封蕭何夫人爲鄼侯蕭何傳

樊噲妻呂須爲臨光侯樊噲傳

列侯太夫人夫人文紀七年如淳曰列侯之妻稱夫人列侯死子復爲列侯乃稱太夫人子不爲列侯不得稱也

孝文十二年賜諸侯王女邑各二千戶紀本

武帝尊王皇后母臧兒爲平原君外戚傳

王皇后前夫金氏女封修成君賜湯沐邑同上

宣帝地節四年賜外祖母號爲博平君以博平蠡吾兩縣戶萬一千爲湯沐邑王夫傳

金當上南大行爲太夫人金日磾傳文穎曰南當母名也上名狀于大行

王莽母賜號曰功顯君王莽傳

平帝賜三妹謁臣號修義君哉皮爲承禮君鬲子爲尊德君食邑各二千戶衛姬傳按本紀云賜帝女弟四人號皆爲君今傳云三妹

與紀不同當考

王莽白尊太后姊妹君俠爲廣恩君。君力爲廣惠君。君弟爲廣施君。皆食湯沐邑。元后傳

封建雜錄

列侯所食縣曰國。百官表

高帝十二年。詔列侯皆令自致吏。得賦斂。女子公主爲列侯食邑者。佩之印。賜大第室。本紀

列侯賜餐錢奉邑。呂后紀。應劭曰。諸侯四時皆得賜餐錢。

秦漢之制。列侯封君食租稅。歲率戶二百。千戶之君則二十萬。朝覲聘享出其中。貨殖傳

孝武元鼎五年九月。列侯坐獻黃金酎祭宗廟不如法。奪爵者百六人。本紀。漢儀注云。諸侯歲以戶口酎黃金於高廟。

孝宣地節四年。襄隄侯聖坐酎金斤八兩少四兩免。

五鳳四年。朝節侯固城坐酎金少四兩免。楊邱侯偃坐出國界。削爲司寇。列侯坐罪奪爵者多矣。略舉數條以爲例。以上並見王子侯表。

終陵侯華祿坐出界耐爲司寇。功臣表

祚陽侯仁坐擅興繇賦。削爵一級。此類甚多。皆不具載。

孝景中二年。令列侯初封及之國。大鴻臚奏策。列侯薨葬。國得發民輓喪。穿復土治墳。無過三百人畢事。

本紀

